

**26 caso nobo  
141 caso activo  
di COVID -19**

Diamars 8 Februari 2022

Solo di Pueblo



Aña 16 - edicion 604



E-mail: solodipueblo@gmail.

Prijs: Afl. 1.75

## Den corte Fiscal a muestra con Benny a traiciona confiansa di pueblo di Aruba y su votadornan



### Tereno-gate:

A haya 1.3 miyon dollar riba un  
cuenta di banco na Curacao cu  
ta destina pa Benny



**Benny  
a tira tur  
culpa  
riba  
Marisol**



Despues di anuncia e  
cambianan principal 2022:  
AZV ta haya e  
pregunta...pakico no  
elimina AZV?



## UN PERSONA VACUNA TA BIBA PROTEHA!



BRA Mobil-Unit

DIADOMINGO	DIALUNA	DIAMARS	DIARANSON	DIASHUEBS	DIABIERN	DIASABRA
		1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26

**Noord:** Centro Deportivo Frans Figaroa

**Playa:** Centro di Bario Playa Pabao

8:00 AM - 10:00 PM  
1:00 PM - 4:00PM





# GANA

## 500 FLORIN

CU

PA DIA DI

SAN VALENTIN

SOLO DI PUEBLO

**NOMBER Y FAAM:** \_\_\_\_\_

**ADRES:** \_\_\_\_\_

**TELEFON:** \_\_\_\_\_

**ABONADO** Si ☐ No ☐

COUPON

**TA ANUNCIA GANADOR DIA 14 FEBRUARI 2022**

**CORTA E COUPON Y ENTREGA NA OFICINA DI SOLO DI PUEBLO,**

**EDIFICIO COLOR SHINISHI MEI MEI DI KFC Y TACO**

**BOBELL NA STA CRUZ.**

# Sevinger ta involvi den malversacion, a wordo cumpra y labamento di placa

## Fiscal den Corte ta muestra cu ademas di a abusa di su funcion

Awe mainta Fiscal den caso Avestruz a presenta tureacusacionnan contra e 11 sospechosonan no a presenta.

Solo di pueblo por a compronde cu e abogado den sala di Corte a expresa cu nan cliente no lo presenta. Fiscal a lesa un serie di acusacionnan contra e 11 sospechosonan.

TERENO

Fiscal a menciona cu entre Februari 2013 y Maart 2017, a constata malversacion di Gobierno door di duna tereno na forma ilegal. Ta trata aki di terenonan erfpacht na Wayaca caminda e sospechosonan ta Sevinger, Abath, Winterdal, Arends y Richardson. Fiscal a bisa cu Sevinger y Abath a duna e terenonan aki contra reglanan legal. **F A L S I F I C A DOCUMENTONAN**

E mesun procedura a sigui cu casnan na Eagle Beach. Fiscal ta muestra cu Arends tabata falsifica documentonan di peticion di tereno.

Fiscal a menciona cu entre 2014 y 2016 tabatin malversacion tambe caminda e sospechosonan ta

Sevinger, Abath, Werleman, Nuñez y Mansur. Esaki ta relaciona cu otro casnan na Eagle Beach. Fiscal a bisa cu aki Mansur, Nuñez y Werleman a falsifica documento.

### A CUMpra SEVINGER

Fiscal ta muestra cu tanto Sevinger como minister y Abath empleado na DIP a wordo cumpra. Fiscal a bisa cu Arends y Winterdal a cumpra Sevinger. El a sigui bisa cu Susebeek, Fundacion Curason Berde di Harms, Milero Investment N.V., Island Estates N.V. Zenwave y Pristine Estates N.V. a cumpra Sevinger.

Fiscal tambe a menciona caso Bucuti Hotel, tanto Sevinger como Abath a wordo cumpra door di Biemans y Aruba Bucuti Beach Hotel N.V. Esaki entre 1 Mei 2012 y 1 Mei 2019. Fiscal a bisa cu Sevinger a haya promesanan, regalonan y servicionan for di esnan ariba menciona. Entre otro pago di Stichting Curason Berde, a tene fiesta di cumpleaños den Holiday Inn Hotel y a haci diferente trabaonan



di construccion na cas di Sevinger.

### SEVINGER A ABUSA DI MINISTER

Fiscal ta acusa Sevinger di a abusa di su funcion como minister. E ta acusa Abath di a abusa di su funcion como empleado na DIP. El a sigui acusa Every di a abusa di su funcion como empleado na departamento di Gobierno.

#### LABA PLACA

Fiscal a muestra cu entre 1 Januari 2015 y 1 Januari 2016, Sevinger a tuma placa cu ta pertenece na Fundacion Curason

Berde. Ta papia di un cheque di mas cu 11 mil florin cu a wordo usa pa paga diferente viahenan.

Fiscal ta muestra cu Sevinger y Susebeek entre 1 Januari 2014 y 28 Maart 2017 a haci nan mes culpable na labamento di placa. Esaki pa sconde di unda realmente e placa tabata bin. Fiscal ta muestra cu Susebeek tabata sa cu riba cuenta di Golden Rain Private Foundation na Orco Bank Curacao a haya 1.329711,51 Dollar cual placa lo ta destina pa cumpra Sevinger.

Fiscal tambe a muestra cu Harms entre 1

Januari 2013 te cu 1 October 2018 tabatin articulonan den su poder cu e tabata sa cu esakinan ta procedente di e probecho di a cumpra Sevinger.

Esakinan ta e acusacionnan cu Fiscal a presenta ayera den Corte pa cu e caso Avestruz.





# Abogado den caso Avestruz a bisa Hues: Mi clientenan no kier presenta na Corte pa no wordo ataca door di Prensa

Awe mainta a cuminsa cu tratamento di e caso Avestruz pro forma. SOLO DI PUEBLO por a compronde cu den sala di Corte por a mira un Hues di Curacao compaña pa su Griffier, dos Hues y un cantidad di abogadonan cu a representa nan clientenan.

E 11 sospechosonan cu mester a presenta ta: Ewald Biemans, Franklin Abath, Edgar Werleman, Ninosca Nuñez, Oslin Sevinger, Reina Richardson, Maria Leoncita Arends, Pieter Susebeek, Carlo Mansur, Curt Harms, Frederic Every.

Relaciona cu e medidanan pa cu Covid, a parti e 11 sospechosonan den dos grupo. E promer grupo lo mester a presenta 10'or di mainta y e di dos grupo lo tabata 2'or di merdia. Ta asina cu abogadonan a avisa Hues cu nan clientenan lo no presenta.

Fiscal bisa cu caso Avestruz ta relacion cu dunamento di terenonan na forma no corecto. Sevinger como minister a otorga e terenonan.

Mr. Oomen cu ta representa Biemans, Werleman y Nuñez, ta e promer abogado cu a hiba palabra. El a señala na Hues cu na December 2021 promer cu e receso di Corte, a haya e caso Avestruz for di Fiscal cu ta consisti di mas cu 21 mil pagina. Ningun abogado a spera esaki y no tabatin tempo pa studia esaki. Ta imposibel pa por studia tur e documentonan aki den un periodo di 1 luna y pa bin cu peticion den e caso pro forma. Mr. Oomen Esaki ta contra e principio di husticia husto.

**ABOGADONAN A PIDI POSPONE E CASO**

Mr. Oomen a pidi Hues pa duna tempo te fin Maart 2022 pa studia e caso

pa asina den un otro pro forma haci peticion di investigacionnan. Ta asina cu e otro abogadonan: mr. Maldonado, mr. D.Kock cu mr. Illes, mr. Canwood, mr. Arendsz Marchena, mr. Carlo a bisa Hues cu nan ta comparti punto di bista di mr. Oomen. Mr. D.Kock ta e unico cu a presenta cu algun peticion. El a bisa cu eseynan ta te asina leu cu a logra di mira den un parti di e documentonan. El a sigui bisa cu por spera cu na April 2022 lo tin mas peticion.

Mr. Oomen a mostra cu 22 Februari 2018 via raport tereno gate, E.Croes y Tjong di MEP a haci denuncia y a cuminsa investigacion. E raport aki no ta den e documentonan. E ta haya cu ta persecucion politico door cu tur e sospechosonan ta liga cu partido AVP. El a mostra tambe cu di parti abogado di Sevinger a duna documentonan cu ta



monstra cu tin bendemento di tereno di parti di MEP na e mesun manera cu ta acusa e sospechosonan. E abogado a bisa Hues cu e clientenan no kier presenta pa evita cu nan ta wordo ataca pa prensa. **FISCAL A REACCIONA**

Fiscal a reaccion cu Ministerio Publico ta independiente y no tin nada di haci cu asuntonan

politico. E raport di e dos politiconan nota discusion den e caso aki. E caso aki ta riba e acusacionnan contra e sospechosonan. E raport cu mr. Oomen ta menciona no ta relevante. Hues a bisa cu Diarazon mainta e lo tuma decision riba e peticion di e abogadonan pa pospone e caso.

## Den corte Fiscal a muestra con Benny a traiciona confiansa di pueblo di Aruba y su votadornan

E ponencianan cu fiscal a trece ayera den corte tabata realmente escandaloso. Hende tabata haya biramento di stoma, ora bo tende con hopi Benny a bende su mes cu un grupo di friends & family.

Que berguena pa un politico cu semper a play inocente! Fiscal a basha abao riba dje, cu cosnan masha mahos.

Entre cosnan cu Benny a



haya, tabatin fiestamento na Holiday Inn Hotel. E hotel tabata regala Benny tur cos pe hasi fiesta. Esey ta entre e pagonan cu a wordo hasi.

Tambe Fundacion Curazon Berde a wordo usa pa laba e placa di soborno, unda comerciantenan tabata haya tereno.



## INTERUPCION DI CORIENTE

En conexion cu trabaonan necesario,  
coriente lo wordo interumpi:

**Diahuebs, 10 di februari 2022**  
**8:00 a.m. te cu 4:00 p.m.**

Den vecindario di:

- Tamarijn (un parti)      • Babijn (un parti)

Elmar ta pidi disculpa pa e inconveniencia cu e interupcion di coriente aki por causa.

  
**ELMAR**

Danki Pa E Comprension



# Despues di anuncia e cambionan principal 2022: AZV ta haya e pregunta...pakico no elimina AZV?

Despues cu OE AZV a tene su conferencia di prensa na januari ultimo tocante e cambionan principal cu e aseguradonan por spera den 2022, OE AZV a tuma nota di e pregunta di algun ciudadano ..."pakico no ta elimina AZV?"

Director Edwin Jacobs di OE AZV ta compronde e pakico di e pregunta aki y a tuma nota cu esaki ta un pregunta cu ta sali for di e aseguradonan hoben. E asegurado cu ta disfruta di salud y vitalidad pero cu ta paga e AZV premie tur luna y no ta uza esaki. Na e hobennan aki, director di OE AZV ta pidi nan pa tira un bista alrededor. Wak bo famia, wak bo welo of wela, wak bo tanta of omo. E realidad di bida ta cu na momento cu bo nace tin gastonan medico haci relaciona cu e parto y cuido, despues cu bo tres of cuater aña e gastonan ta baha pa mas despues ora bo yega edad di entre 65 pa 70 aña e gastonan ta cuminsa subi of ta haya un piek. Esey ta e caso di hende homber. Pa e hende muhe ta conta cu e gastonan ta cuminsa aumenta despues di edad di 18 of 20 aña. E hende muhe ta cuminsa haya yiu y gastonan ta cuminsa aumenta.

## Seguro

Un seguro ta basa riba e pensamiento cu un grupo di hende ta paga pa e gastonan cu e ta uza. Por ehempel si ta un grupo di hende jong, vital, nan gastonan lo ta abou, e prima ta abou. Na momento cu bo tin un grupo di hende cu nan gastonan medico ta aumenta, por ehempel pa motibo di nan edad halto y nan tin un of mas malesa, nan ta bay haci mas uzo di servicio medico y bo ta parti e gastonan riba tur esnan cu mester paga e prima.

## Seguro Priva

Den un seguro priva bo ta ripara cu nan ta pone hopi condicion. Si bo ta diabetico, nan

ta pone un prima mas halto, si bo tin un condicion di curason, bo ta haya un prima mas halto y tambe na cierto edad halto, bo prima ta subi anualmente. Y si bo ta comparti e gastonan di seguro, por ehempel manera na Hulanda unda ta comparti tur e gastonan, bo lo ripara cu tur aña e prima ta subi cu 10 of 15 euro. E motibo? Enbehecimiento di e poblacion na Hulanda, mas hopi hende ta haci uzo di servicio medico, mas e gastonan ta subi. Adicionalmente mester tene cuenta cu e seguro ta pone su ganashi riba dje. E seguro ta un negoshi, e tin cu pone banda di su gastonan un porcentahe di ganashi.

## Kita AZV

Den caso di un sistema di un seguro social, no solamente ta coy e gastonan y reparti esaki bou di e aseguradonan, pero tin e BAZV tambe pa yuda cubri gasto. Si nos pensa cu door di privatisa seguro AZV e gastonan medico ta bay baha nos ta ekiboca paso e hende ta keda tin mester di e servicio medico. Dus kico ta bay pasa si bo privatisa? Bo ta bay pasa e seguro AZV pa sector priva cu ariba dje ainda ta bin cu e condicionnan anteriormente menciona (exigencia cu ora bo tin un condicion existente bo ta paga mas prima paso bo ta un riesgo mas halto pa nan) y ganashi! Pues nos pensamiento ta cu si bo bay privatisa AZV ...na final di dia comunidad den su totalidad ta bay paga mas. Solidaridad y pago

Si bo ta pensa bo ta hoben y vital, awor aki abo ta bay paga menos...despues lo yega e dia ora bo tambe ta bay paga mas. Nos sistema AZV ta basa riba solidaridad, entre esnan cu ta hoben, vital y cu tin bon salud ta paga mas cu nan



ta gasta y loke ta wordo paga dimas ta wordo uza cerca otronan cu ta paga y nan gastonan ta mas halto. Por ehempel e pensionado di AOV cu ta biba na Aruba y ta cobra AOV so, ta 80%. SVB ta paga un promedio di 53 florin na prima di AZV pa nan pa luna, pero keremi cu un pensionado ta uza mas cu e suma ey den un luna. Ta nifica cu esnan jong ta yuda contribui pa esnan mas grandi. Cu e conviccion si cu mañan nan tambe ta yega na edad mas halto y nan consumo (medico) ta bira mas halto anto e ora e otronan jong ta bira paga pa nan. Esey ta e sistema di solidaridad cu nos no mester perde for di bista.

Tene cuenta!

Bo por ta jong, hoben y vital, bo ta bira haya un accident cu gastonan enormemente grandi. Por ehempel bo mester bay cu air ambulance Colombia. 23 mil florin na air ambulance so... sin conta e gastonan acerca pa tratamiento of cuido.

Pues, ora bo ta jong y vital, kisas malesa no ta dal bo, pero por sosode un accident unda bo mester urgentemente di un seguro manera AZV.

Mi ta convenci cu un seguro priva no ta e solucion pa nos gastonan medico, simplemente mester duna un poco mas di nos, nos mester controla e crecimiento di e gastonan y traha mas eficiente den e sector.

## Tereno-gate:

# A haya 1.3 miyon dollar riba un cuenta di banco na Curacao cu ta destina pa Benny

Ayer a cuminsa caso di tereno gate, yama caso Avestrus. Hopi cos a wordo treci dilanti den corte. Entre otro fiscal a bisa cu a haya na Curacao un cuenta di banco cu 1.3 miyon dollar, cual placa ta procedente di tereno gate y dirigi pa compra Benny.

Fiscal lo no bisa algo asina zomaar, pero mester tin indicacion of prueba cu Benny lo tabata haya placa for di e cuenta di banco aki.

E cuenta lo ta pertence na un fundacion di Pietje Sussebeek, amigo grandi

di Benny cu tabata paga hopi gasto di campaña, manera compra cantidad di palo di bandera, y hasta tabata trece container di bicicleta pa asina por a compra voto.





**PROME MINISTER EVELYN WEVER-CROES:**

# COMO PAIS NOS MESTER RECHASA CORUPCION MANERA DI BENNY SEVINGER

**ARUBA MESTER DI NOS TUR PA STOP ESAKI**



Aruba e siman aki lo ta testigo di caso contra Benny Sevinger y 10 sospechoso mas.

E caso ta un di esunnan mas serio cu Aruba a conose, y ta trata corrupcion serio cu tereno.

E acusacionnan oficial ta:

1. Soborno: Cumpra ambtenaar

2. Estafa
3. Falsificacion
4. Abuso di funcion

Benny Sevinger ta wordo sospecha tambe di falsificacion, estafa y abuso di su funcion, y aparte di tur esaki e ta wordo acusa tambe di a tumamento di regalo of

promesa, y labamento di placa! Cu esaki Benny Sevinger y demas 10 sospechoso no solamente a enrikese nan mes, pero a perhudica miles di famia y hobennan cu nunca mas por yega na nan cas. Esfuersonan ta andando pa kita e terenonan aki di e hendenan aki pero ta un proceso largo.

Ta hopi importante pa nos cada un pone bon atencion na e caso aki.

Pa loke ta trata e otorgamento di tereno, desde cu ex minister Marisol Lopez-Tromp a wordo retira na oktober 2020, mi a delega e autoridad pa e departamento en cuestion bou di un sistema estricto di 'checks and balances'



pa asina nunca mas un minister por mete den e maneho aki y pa evita corrupcion. Esey tabata e prome paso.

Awor mi ta haci apelacion na henter comunidad. Aruba mester di nos tur. Empleadonan publico en especial cu mira e cosnan aki ta pasa,

mester bin dilanti y denuncia corrupcion. Comerciantenan cu ta wordo pidi pa paga placa bou di mesa, mester nenga categoricamente y denuncia e corrupcion aki. Hunto nos por stop corrupcion. Aruba mester di nos tur pa logra esaki.

## TRABOUNAN DI RENOBACION DI TRAPI NA RODGERS BEACH TA AVANSANDO



Tabata algun luna atras cu Minister di Turismo y Salud Publico Sr. Dangui Oduber a anuncia e proyecto di renobacion di e trapi na Rodgers Beach. Actualmente e trabounan di renobacion ta avansando y pronto e

proyecto lo keda entrega. E proyecto di renobacion di trapi ta un di e varios proyectonan cu ta forma parti di e masterplan cu Minister Oduber tin pa San Nicolas. E proyecto aki a wordo financia cu fondonan di Aruba Tourism Authority (ATA).

Na momento cu Minister Oduber a drenta Gobierno na 2017, Gobierno tabata tin un vision y un masterplan pa San Nicolas. Den esaki a inclui e proyecto di Baby Beach fase 1 y 2 (fase 1 ya caba a wordo entrega), a inclui e renobacion di e oficina di turismo na San Nicolas.

A introduci e festival cultural di Island Fest cu lamentablemente mester a para temporalmente door di e pandemia. Tambe Minister lo bay percursa pa embeyese henter e area di Rodgers Beach mescos cu ta haciendo na e area di Baby Beach, e proyecto di trapi ta e comienso.

Minister Oduber ta sigui demostra cu Gobierno ta kere den e potencial di San Nicolas pa bira un segundo capital turistico di Aruba. Pesey Minister Oduber lo bay sigui inverti tambe den e oficina di Turismo di San Nicolas. Minister Oduber ta hopi satisfecho





di con e proyecto di trapi na Rodgers Beach ta canando, pronto e bunita proyecto aki ta bay wordo entrega. Finalmente

Minister Dangui Oduber ta gradici Ministerio di Infraestructura y DOW pa e bon cooperacion brinda.



# Dama chauffeur na estado a bolter cu auto y a bay cay den e greppel



Hato: Diadomingo algodespues di 4'or y mey di atardi, a sosode un accidente riba e caminda di Hato, na altura di Aruba Bank.



Un dama manehando un Mazda Blanco tabata biniendo di pabou la tuma e rotonde un poco hanco di mas, e la dal contra e isla pariba di caminda. E chauffeur a perde control cu su auto, baha caminda y a kentel den e greppel pazuid di

caminda.

Polis y ambulance a yega na e sitio. Door cu e dama tras di stuur ta na estado, e paramediconan di ambulance a pidi pa materialwagen di brandweer bin na e sitio, pa yudanan saca e dama

for di e auto. Nan a saca e windshield pa asina por a saca e dama for di e auto.

E paramediconan a haci un control medico cu e dama. Polis pa basta rato a mantene e caminda cera pa trafico.

## Hoben drumi abou banda di The Cove

Palm Beach

Diadomingo atardi na Palm Beach na altura di The Cove un homber drumi riba vloer na un forma straño y aparentemente lo tabata scuma for di su boca.

Dos patruya di polis a bay na e sitio, pero na prome instante no a topa cu niun persona. Un di e patruya nan a sigui busca den e area y a bin topa cu un grupo di hoben riba e parkinglot.

Nan a conta polis cu un di nan a bebe poco di mas, pero cu nan mes a take care di dje.





Prome Minister Evelyn Wever-Croes:

# PROME MINISTER TA REUNI CU OMBUDSMAN DI HULANDA

## Pronto Aruba lo tin su propio instituto di Ombudsman

Dialuna 7 di februari, Prome Minister Evelyn Wever-Croes a reuni cu Ombudsman di Hulanda señor Reinier van Zutphen. Regularmente señor van Zutphen ta bin Aruba pa papia riba diferente tema cu ta di importancia pa un ombudsman.

Ta di lamenta cu Aruba no tin un ombudsman ainda pero ta casi na final di e proceso pa Aruba tambe haya su ombudsman. Ya caba di basta aña a papia riba e tema aki pero no a logra. Pero den periodo di Gabinete Wever-Croes I si a logra pa bin cu e ley di ombudsman, cu a pasa caba. Tambe Gobierno a purba di ancr'e den constitucion pero esey no a logra prome cu cambio di Gobierno. Aworaki nos ta spera cu Parlamento por finalisa e tratamiento di e ley pa asina nos por ancr'e e ley di ombudsman den nos constitucion.

Si logra esaki, Aruba lo tin un ombudsman ancr'e den consitucion cual ta algo hopi importante. Si no logra ancr'e den constitucion lo sigui cu e ley toch y lo busca un ombudsman y e ora e por cuminsa haci su trabou. Ta bira tempo pa Aruba cu ta e unico pais den reino cu no tin su ombudsman, pa haya



un.

Un ombudsman ta undefensor di pueblo. E ta un instituto caminda cu ciudadanonan por yega cu pregunta y cu keho riba con nan a wordo trata, riba cosnan cu nan ta sinti cu no ta bay bon. Claro semper e ciudadano por bay corte pa busca su derecho pero caminda e no por bay corte, e por yega na e ombudsman cu ta e defensor di pueblo cu lo scuche y haci un investigacion y duna Gobierno conseho riba e caso specifico of

un grupo di casonan similar.

“Desde mi presupuesto nos ta presupuesta e sumanan pa bin cu e ombudsman, kiermeen esey ta regla pero e ombudsman ta un instituto cu ta bira independiente, los di politiek, e no ta cay bou di Gobierno. Parlamento ta esun encarga pa bin cu e ley, haci e reclutamento y seleccion pa nos haya nos ombudsman y asina nos tin nos instituto. Ohala cu pronto nos ta asina leu, Prome Minister a duna di conoce.

Prome Minister a expresa cu semper ta un placer pa combersa cu Ombudsman di Hulanda riba diferente tema cu nan tin bista riba dje pa cu Aruba. “Nos tabata tin un hopi bon reunion. Nos Gobierno semper a percura pa tin un bon relacion cu e instituto di ombudsman na Hulanda y mi tin tur confiansa cu e aña aki si nos ta logra tin un ombudsman na Aruba tambe”, Prome Minister Evelyn Wever-Croes a remarca.

## 26 caso nobo y 141 Caso activo di COVID-19

- 7 februari 2022. Segun resumen di awe 54 persona a recupera y un total di 26 caso nobo di COVID-19 a keda registra di cual 3 ta no-residente. E cifranan aki ta representa un 'Positivity rate' bou di nos residentenan di 50%. E cantidad di casonan

activo di COVID-19 pa awe ta 141 y cantidad di fayecidonan relaciona cu COVID-19 ta 195.

Datos ta ilustra casonan nobo di COVID cu un averahe semanal di 47 caso pa dia y un averahe di 'Positivity rate' semanal di 38% pa dia.

Actualmente na Aruba tin 22 persona interna cu of debi na COVID di cual den ICU tin 3 persona y riba piso general tin 19.

Na Colombia tin actualmente 7 persona den ICU y ninguno (0) riba piso general.

### ULTIMO INFORMACION

Casonan di Corona Virus, Vacunacion y Hospitalisacion na Aruba  
7 di Februari 2022

7/2/2022	TOTAL	RESIDENTE	NO-RESIDENTE
Casonan Nobo	26	23	3
Activo	141	119	22
Recupera	32992	28586	4406
Positivo	33328	28895	4433
Morto	195	190	5
Vacuna	86865	-	-
Hospitalisa AUA	22	-	-
ICU	10	-	-
AUA	3	7	-



# Pa prome biaha un instructor Arubiano a duna e curso

## Unidad Motorisa a termina nan curso di seguridad exitosamente



MACUARIMA, ARUBA: Shete agente policial di e unidad motorisa di Cuerpo Policial Aruba "Motor Unit" a finalisa nan curso di "Cursus Veligheid Motoragent" exitosamente. E unidad motorisa ta conta cu agentenan nobo, disciplina, respeta y cu hopi gana pa sirbi nos pais. Den e cuadro aki a organisa un curso intensivo pero necesario pa e agentenan aki por mobilisa nan mes riba brommer den un miho forma profesional, tactico pero safe pa e agentenan y tambe pa e chauffeur.

E curso mes a dura dos siman pero cu 80 ora di training intensivo. Esaki a tuma lugar riba e parkeerplaats di Centro Deportivo Simeon Antonio. Bou guia di Sr. Denly Pietersz, instructor profesional certifica na

Canada, a haci e curso aki. Ta pa prome bez na Aruba un Arubiano ta duna e curso aki. Pa Sr. Pietersz e ta un honor pa duna e curso aki na e agentenan y pa final di dia cu trabou duro y disciplina tur a logra pasa e curso.

Como hefe di unidad motorisa "E ta necesario pa bin cu curso profesional di e forma aki. Bo por ta coredo di brommer pero esey no ta haci bo e miho manehador. Cursonan di e forma aki ta buta abo como manehador traha riba e brommer riba dos wiel". Tabata palabranan di Sr. Robert Kock.

Den e grupo aki tin un agente femenina cu tambe a destaca den e curso aki. Tabata su determinacion cu a bute yega asina leu y cu Aruba por ta orguyoso cu nos tin un persona femenina

cu tambe ta forma parti di nos unidad motorisa. Sra. Irma Gordon altocomisario suplente di polis ta hopi satisfecho y contento di a presencia un demonstracion riba nivel profesional di e agentenan. Mas aun e ta orguyoso di mira cu hende muher tambe ta forma parti di e unidad aki.

Ministro di Husticia y Asuntonan social Sr. Rocco Tjon tambe tabata presenta pa mira e demonstracion y tambe entrega e certificado na e shete agentenan. Pa Sr. Ministro e tipo di cursonan aki ta importante tanto pa e agentenan pero tambe pa eleva nan propio seguridad riba caminda publico. Masha pabien pa tur agentenan cu a logra pasa e curso aki exitosamente y awor nan ta certifica riba un nivel profesional bou di instituto Canades.



# MINISTER ENDY CROES A REUNI PASTOOR CUTIS MERIS DI BISDOM WILLEMSTAD PA PURBA TRECE SOLUCION PE IMPASSE NA COLEGIO ARUBANO

Diabierna ultimo Minister Endy Croes a ricibi bishita di Pastoor Curtis Meris cu tabata na Aruba den nomber di Obispo Luis Secco. Bisdom Willemstad ta encarga cu SKOA y SVOA cu ta atende cu Colegio Arubano.

E bishita di Pastoor Curtis tabata primordialmente pa atende e problematica di Colegio Arubano y busca un solucion. Minister Endy Croes a reuni cu Pastoor Curtis mainta tempran y durante dia a sigui diferente reunionnan cu entre otro cu SIMAR y representantenan di docentenan di Colegio Arubano sr. Everick Rincones y sr. Jaderick Croes. Despues di merdia reunionan a continua unda cu e mandatario a reuni cu miembronan di e directiva actual, sigui cu e conrectornan di Colegio Arubano, rector di Colegio Arubano sr. Tim Croes. Tambe a reuni cu e staf, funcionarionan y departamento di recurso humano di e scol.



Pa finalisa e dia a reuni cu e presidente di Colegio Arubano caminda hunto ta busca manera sali for di e dilema. Minister Endy Croes a sigui bisa cu tin diferente palabracionnan cu a wordo haci y cu mayoria ta den un linea.

Den e simannan nos dilanti lo duna mas informacion di e procesonan cu ta canando pa sali di e impasse cu tin na Colegio Arubano.



## Rodymar Geerman:

### TA RECHASA CATEGORICAMENTE E CORUPCION DI SEÑOR SEVINGER “E prome y unico meta di subi e arena politico ta pa hiba nos dushi pais Aruba dilanti”



Awe, dialuna 7 di februari, nos ta dilanti un dia cu sabor amargo pa cual ta trata politica riba nos isla, caminda un politico, ex Minister y actual Parlamentario ta sospecha di corrupcion! Caso Sin-DD.

#### CAMBIO DEN FORMA DI HIBA POLITICA

Como politico recién riba lista cu kier mira un cambio den e forma di hiba politica, señor

Rodymar Geerman, candidato riba lista di Partido MEP, a expresa cu e tambe ta rechasa categoricamente e corrupcion di señor Benny Sevinger.

#### LAGA E CASO AKI TA UN LES

“Laga e caso aki ta un les pa e politiconan hoben of esnan cu ta aspira pa bira politico, cu esaki ta algo cu nos no por permiti ni tolera. E prome y unico meta di

subi e arena politico ta pa hiba nos dushi pais Aruba dilanti. Laga nos hamas y nunca ripiti un caso di corrupcion, pero laga nos mas bien traha na bienestar di nos hendenan, p'asina Aruba por recupera y progresa den su totalidad. Nos amor pa nos pais mester ta semper riba tur nos deseonan y no metanan personal”, señor Geerman a expresa.

#NoNaCorupcion



# PROME MINISTER EVELYN WEVER - CROES TA LAMENTA CU OPOSICION TA BAGATELISA MINISTERIONAN DI BALOR CARDINAL PA FUTURO DI ARUBA

Siman pasa durante di tratamento di Landsverordening instelling ministeries (LIM) den Parlamento, Prome Minister Evelyn Wever - Croes a duna splicacion amplio di con e LIM ta funciona na Aruba y tambe importancia di Ministerionan. Premier Wever - Croes ta lamenta cu miembronan di Parlamento den oposicion continuamente ta haci chercha di reparticion di Ministerionan y plama insinuacionnan erroneo pa loke ta nivel di responsabilidad di cierto Ministerionan.

Segun oposicion, Partido Raiz lo a haya Ministerionan cu no ta importante y no ta relevante. Oponentenan politico a referi cu e esakinan ta solamente '6%' di responsabilidad. Premier Wever - Croes ta cuestiona con opositornan ta midi responsabilidad den porcentahe y ta splica cu si haci esaki a traves di e placa, e calculacion no ta corecto.

## MINISTER GEOFFREY WEVER

Minister Geoffrey Wever ta encarga cu entre otro Asuntonan Economico, pa cual Prome Minister ta splica: 'E yabi pa exito pa Aruba sali for di e pandemia ta den man di nos desaroyo economico. Si no logra desaroya nos economia, nos no ta sali afo. Pues no por bagatelisa esaki y bisa cu e Minister encarga no tin nada di haci.'

Hunto cu Asuntonan Economico a acopla Desaroyo Sostenibel. E Minister ta encarga pa percura cu e desaroyo cu ta bay mira, ta balansa y tin balor halto pero cu impacto mas abou (high value, low impact).

Comunicacion tambe ta den e Ministerio cu Minister Wever ta encarga cu ne, pa cual ta cuestiona oposicion cu no ta haya cu un bon sistema di internet na Aruba y cu ta haci nos competitivo ta importante.

## MINISTER URSELL ARENDS

Otro Ministerio cu oposicion ta considera cu no ta importante



den e caso aki ta cay bou di maneho di Minister Ursell Arends, y ta trata transporte. Prome Minister ta expresa cu mester para keto na e tema di transporte, no solamente aviacion cu ta trece nos turistanan y ta nos pilar economico, pero tambe transporte publico mester haya atencion. 'Nos ta conoci como un Pais cu no tin nos transporte publico bon regla y nos tin cu bay regle bon.'

Prome Minister a sigui splica: 'Minister Arends tin tambe e cartera di Naturalesa y nos mester ta honesto y admiti cu nos tur cu a carga e cartera di naturalesa a faya cu esaki. E cartera ta asina grandi y ta implica hopi complicacion cu naturalesa y medio ambiente y no tur ora el a haya e atencion cu e mester a haya.'

Minister President a maneha e cartera encarga cu naturalesa y medio ambiente pa mas o menos 8 luna prome cu eleccion 2021 y e conclusion cu a saca ta, cu no por lage keda colga mas sin dune atencion.

Minister Arends kende ta encarga tambe cu cuida di grandinan. E grupo aki ta birando mas grandi (vergrijzing) y mester tene cuenta cu nan

a wordo hopi afecta durante di pandemia. E enfoka no ta solamente riba salud/cuida medico di nos grandinan (cual ta sigui cu ne) pero aworaki lo pone mas atencion na e bienestar y progreso di nos grandinan.

Integridad ta e otro cartera cu oposicion a cuestiona. Prome Minister a splica cu integridad a wordo poni halto riba agenda pa hendenan bin dilanti y papia di dje. Na 2017 a dicidi pa pone como un cargo extra banda di e trabounan cu Prome Minister ta encarga cu ne. Na eleccion 2021 durante negociacion di acuerdo di gobernacion, a dicidi di pasa esaki pa Vice Premier, Ursell Arends ta encarga awor cu e manehoy tin cu percura pa bin cu leynan pa garantiza integridad, fortifica e departamento (bureau integriteit) y percura cu tin e instancianan cu ta acapara tur esey.

Por ultimo Prome Minister Wever - Croes a enfatisa cu tur e temanan/ministerionan menciona ta importante y di esakinan e tres temanan cu mester extra atencion ta: naturalesa, nos grandinan y integridad. Pesey e ta hopi lamentabel ora cu ta tende expresionnan di oposicion cu ta


categorisa e temanan aki como importancia abou.

'Den nomber di Gobierno di Aruba, no ta comparti posicion di Parlamentarionan di AVP cu ta bagatelisa y chercha di nos grandinan. Pa nos, nos grandinan ta un tesoro y ta danki na nan cu nos por biba den e pais aki cu nos yiunan y nan yiunan por sigui biba den dje. Pesey tine ankra den e LIM, como un area di maneho cu mester haya atencion hopi specifico', Prome Minister a termina bisando.





# Bishita di parlamentarionan na RWZI Bubali y Parkietenbos



Diabierna ultimo nos a haya bishita di parlamentarionan na nos planta nan.

Hoofd Waterschappen Frank Benita, Projectvoerder Daryl Leu y Beleidsmedewerker Kirby Barera di DOW tambe tabata presente pa asina duna un splicacion amplio con e planta ta hinka den otro.





RWZI Bubali ta un planta di purificacion di awa cu tin mas di 50 aña di existencia y ta disinja pa haya 4000 m<sup>3</sup> di awa pa dia. Actualmente nos ta hayando 8000 pa 8500 m<sup>3</sup> pa dia na nos planta y pa es motibo nos mester upgrade e.



Tambe nan a bishita e inicirator na Dump pa asina mira e proceso con e sushi ta wordo kima.

Parlamentarionan a keda satisfecho y impresona cu tur e informacion y splicacion cu nan e recibi.





Parlamentario Alvin Molina:

# Reclassering ta esencial pa yuda esnan cu a cay reintegra den comunidad



Parlamentario Alvin Molina, tabata un di e invitadonan durante un ceremonia di celebracion di Stichting Reclassering en Jeugdbescherming Aruba unda cu a lansa e logo nobo. Stichting Reclassering en Jeugdbescherming Aruba a wordo funda na 1961. Na final Alvin Molina, di fraccion di MEP, a felicita e directora Seraida Pemberton y henter su team pa e bunita trabou cu nan ta haci pa e comunidad di Aruba. E stichting aki y su team di profesionalnan ta traha den background, pero ta brinda un ayudo grandi na esnan den comunidad cu a comete un error y haya nan mes envolví di un forma of otro cu husticia. Stichting Reclassering en Jeugdbescherming Aruba ta yuda preveni pa e hobenan no sigui comete actonan penal, pa comunidad sigur esaki ta un beneficio, unda menos hoben ta comete actopnan penal nos lo por tin un miho Aruba.

E profesionalnan hopi biaha no ta den bista di e pueblo, pero nan trabou ta esencial pa comunidad. Nan ta traha cu e hendenan sin importa nan edad, raza,

religion of descendencia. Simplemente nan ta saca un man, manera nan logo ta muestra, pa yuda pone nan bek riba e bon caminda pa nan ta un asset pa comunidad. Nan ta yuda e clientenan reintegra den comunidad di un forma positivo y productivo. Como Polis di profesion, ta comprende y ta consciente di tur loke e Departamento aki ta haci pa Aruba. Nan ta saca un man pa e grupo cu a cay, ta prepara pa nan ta bon prepara pa bolbe den nan bida diario.

Durante e ceremonia Reclassering a presenta e logo nobo, unda cu e mannan ta e unico elemento cu a keda di e logo anterior cu ta data di 1961, tempo cu e institucion aki a wordo funda. E mannan a keda pasobra e ta simboliza e.o. guía cu nan ta brinda pero alabes ta un seña cu e reintegracion mester bin di ambos banda. E diferente colornan ta refleha di diversidad di nan clientenan di reclassering. Molina ta felicita henter e staff y a expresa su gradicimento na cada un pa e bunita trabou cu nan ta haci pa



comunidad. Tambe a combersa cu diferente funcionario pa mira con

nan di Parlamento por yuda cu e hermentnan cu Reclassering mester

pa sigui modernisa nan sistema di operacion y servicio na comunidad.



## Carquest Auto Parts Aruba

Korean Parts, Japanese Parts,  
German Parts & American Parts.  
Gates Hydraulic Hoses & Truck  
Parts.

(297) 585-0660

Info@carquestaruba.com

www.carquest.com

Piedra Plat#93



Great People, Great Products,  
Great Prices!



# Prome Minister Evelyn Wever-Croes: CAMBIO DI LEY DI OVERBRUGGINGSTOELAGE NO TA COSTA MAS PLACA

## Overbruggingstoelage ta 80% di salario y pa un periodo di 12 luna despues di cambio di un Gobierno of Parlamento

Un tema cu a wordo treci dilanti durante e reunion den Parlamento diahuebs ultimo na unda cu e ley di Landsverordening Instelling Ministerie, LIM akeda aproba, ta tocante e cambio di ley di overbruggingstoelage. Prome Minister Evelyn Wever-Croes a splica esaki den mas di un occasion y a bolbe splica den Parlamento. Overbruggingstoelage ta un derecho di parlamentario y ministernan despues di cambio di un Gobierno of Parlamento pa un periodo di 12 luna y 80% di su salario.

Prome Minister a indica cu e cambio aki ta un cambio den anticipacion di cambio di ley. Esaki, Prome Minister a duna di conoce cu ta algo totalmente legitimo y ta algo cu por y ta pasa bou di tur gobierno.

Prome Minister a enfatisa cu un regla basico di esaki ta cu por anticipa riba cambio di ley solamente si e ta na beneficio di e

ciudadano. Y esaki ta e manera cu e cambio di ley di overbruggingstoelage a bay tambe.

Prome Minister a splica cu manera e ta awo, e overbruggingstoelage no ta na beneficio di e parlamentario. Ora un Parlamento cambia na fin di luna, lo no tin problema. Un ehempel di esaki cu Prome Minister a duna ta si un parlamentario baha dia 29 di october, e lo cobra su overbruggingstoelage dia 1 di november. E ta 'sluit aan' na su salario.

Si un Parlamentario baha dia 1 di october, e lo mester warda te dia 1 di november pa su overbruggingstoelage cuminsa core. Esaki ta un gab di un luna. Esaki, Prome Minister a splica, ta un omision den e ley.

Pa cua motibo, na juli año 2021, Gobierno a tuma e decision pa cambia e ley y elimina e omision. Overbruggingstoelage, ta un brug cu ta conecta un punto pa otro. E regla cu

tawata tin, no ta un brug sino mas bien e ta tira e parlamentario den awa pa un luna sin entrada anto despues ta bin e brug pa un año. "E no tawata un areglo cu e espirito di ley cu e ta stipula. E fecha a wordo hala mas padilanti pa e cuminsa core mesora cu nan sali for di Parlamento pa no tin gab".

Prome Minister a enfatisa cu ta solamente e fecha a hala. E suma ta keda mescos, esta 80% di e salario y e periodo tambe ta keda mescos, esta 12 luna. Kiermeen e ta cuminsa paga mas tempran, y e ta caba mas tempran tambe.

Aruba a paga hopi Overbruggingstoelage den pasado. E mesun parlamentario cu a haci e pregunta, Marisol Lopez-Tromp a haya varios overbruggingstoelage. Y awo na juni a paga e parlamentarionan cu a sali, Marlon Sneek, Jennifer Arends, Robert Candelaria y Ricardo Croes. Nan a haya nan



overbruggingstoelage mesora despues cu nan a baha. Y no a y no lo haya ni un cen extra pasobra overbruggingstoelage ta 80% di nan salario pa un periodo di 12 luna.

"Gabinete Wever-Croes ta un gobierno drechi cu ta traha den bienestar di comunidad. Y ora cu un parlamentario tin derecho riba algo, sea di

oposicion of no, e mester haya loke e tin derecho riba dje. Esaki ta e espirito di e ley di overbruggings. Anticipando riba cambio di ley, no ta prome biaha esaki a pasa y lo no ta e ultimo biaha cu esaki lo pasa tampoco, semper cu e ta na bienestar di nos comunidad", Prome Minister Evelyn Wever-Croes a duna di conoce.

## Benny a tira tur culpa riba Marisol Door cu Marisol tambe a bende tereno, Benny tambe a haci mescos

Durante e caso dialuna mainta unda cu abogadonan por a dirigi nan prome palabra na huez, abogado di Benny a benta tur culpa riba Marisol. Lo interesante ta cu e abogado a referi na tur documento cu e sospechoso Benny Sevinger a entrega na OM, cu ta muestra cu ta for di tempo di gobierno di partido MEP, practica di bende tereno, manera cu nan ta wordo acusa di dje, tabata wordo haci caba y pa cual su cliente lo tabata envolvi tambe.

A haci mencion di un asina yama 'gedogen beleid', esta maneho tolerante. A pidi pa scucha algun persona di DIP, pa scucha cierto proceso di benta di tereno.\*

Dje forma aki tambe Benny ta tirando culpa di mal practica di corrupcion riba Marisol. Cu otro palabra, Benny ta exige pa investiga Marisol.





Parlamentario Alvin Molina (MEP)

# E bishita na RWZI y Parkietenbos tabata necesario



Despues di varios reunion den parlamento riba e topico di RWZI parlamento a pone un delegacion cu a haci bishita na e planta. Director di DOW Marlon Croes hunto cu Frank Benita y Derel Lue a duna un splicacion y un bista di e situacion di e planta na bubali plas, pa asina compronde e proceso cu ta tuma luga tur dia na e planta.

Pa Parlamentario Alvin Molina e bishita aki ta hopi importante awor tin un bista mas amplio y ta compronde e necesidad cu tin pa un inversion ta necesario. Actualmente ta papia di inversion di 16 miyon y 60 miyon florin pa Aruba tin un RZWI den un miho condicion. Pa e motibo aki mes e delegacion a haci un bishita y haya sa mas informacion cu por delibera riba dje.

E parlamentario por a mira cu nan propio bista, por ehempel na esun di Parkietenbos, con e proceso di filtracion di awa ta. Asina a constata cu e awa ta pasa den un proceso kimico pa saca tur e sushi pa e por wordo uza den agricultura. E awa ta keda purifica, pasando den tres tipo di proceso – mechanical, bacterial y UV – pa despues pone den e tanki di Santa Rosa cu tin riba e tereno.

No ta sin mas ta duna Agricultornan e awa. Riba e tereno mes tin mata di papaya, bacoba y banana, entre otro, cu ta test e awa riba dje. Despues cu testnan duna resultado bon, e awa aki por bay pa clientenan di Sta Rosa.

Edelegacion di Parlamento tambe a bishita Dump di Parkietenbos, especificamente e facilidad di insinerado. Parlamentario Alvin Molina a keda impresiona



pa e proceso di kima sushi, pero tambe e Arubianonan profesional cu ta traha riba e tereno aki. “Nos tin cu valora nan y haci bon uzo di nan. Mester uza e profesionalnan di

Aruba en bes di busca expertonan di afo. Banda di ricibi informacion for di e expertonan den Parlamento, ora cu reuni riba e tema, ta necesario pa bishita e sitio nan mes

tambe. Asina por haya e informacion real di ambos banda, tanto e splicacion y loke nan ta mira y haci e preguntanan necesario



## ATENCION:

# DVG ta informa cambio den orario di vacunacion na Centro Libertador Betico Croes

For di dialuna 7 di februari, DVG ta informa cu e prikpost Centro Libertador Betico Croes na Santa Cruz su orario ta di vacunacio ta cambia di 8or di mainta pa 4or di atardi 'non stop'.

Ta pidi comunidad pa tuma bon nota di e cambio aki.



## CONSUL ITALIANO DI MARACAIBO DI BISHITA CERCA GOBERNADOR BOEKHOUDT



Riba dialuna 7 di februari 2022 Gobernador di Aruba, Su Excelencia Alfonso Boekhoudt, a ricibi señor Aniello Petito, consul Italiano na Maracaibo, pa un audiencia na Cas Ceremonial di Gobernador.

trata aki di un bishita di cortesía di e consul. E paisnan Caribense y di Reino tambe ta cay bou di su hurisdiccion. E ta encarga cu servicionan consular pa personanan den region cu nacionalidad Italiano. Segun señor



Petito e ta e unico diplomatico na Venezuela estableci pafo di Caracas. Señor Edwin Abath, Director di Dienst Buitenlandse Betrekkingen, a acompaña señor Petito durante di e audiencia.





# Minister Glenbert Croes kier hiba DPL y DIMAS rumbo era nobo



Hopi discusion y bruhament'i tera tabatin e siman cu a pasa tocante un persona cu ta tata di un baby recién naci, cu Minister a otorga su VTA.

Siguientemente e cronologia di con e proceso aki a cana.

## INTRODUCCION: CASO ARIEL LOPEZ

Sr. Ariel Lopez (e 'tata') ta un stranhero cu a drenta Aruba dia 07-11-2019 cu objetivo di estadia turistico y ta mantene un relacion sentimental cu Sra. Rosaura Miguelina Groeneveldt (e 'mama'), naci na Aruba dia 18-08-1995.

28-01-2020 ta entrega un peticion di estadia, como personal domestico (huishoudelijk personeel) pa Lopez, cu ta wordo nenga dia 21-04-2020. Lopez ta apela dicho negacion y riba 16-11-2020 e apelacion ta wordo declaro nulo: 'ongegrond verklaard'.

Mientras tanto, di e relacion afectivo aki a nace un yiu: Jeremias Mariano Groeneveldt a nace 19-03-2021 (e 'yiu'). Despues di nacemento di e baby a cuminsa cu e proceso di establece paternidad: 'vaststelling di vaderschap' via DNA test, cu ta tuma su tempo, pa asina e tata por a oficialmente reconoce su yiu.

Una vez cu e resultado a drenta di e DNA test, a bai over pa reconoce e yiu ('akte van erkenning'). E erkenning ta tuma lugar dia 05-07-2021. Despues di esaki nan

a acudi na DPL pa solicita un notificatiebrief, caminda nan a wordo notifica cu mama cu tata mester tin gezamenlijk gezag pa bai over na duna e notificatiebrief.

Mas o menos mesun temporada cu ta entrega e peticion pa gezamenlijk gezag na Corte, e tata ta wordo deteni door di GNC pasobra durante un control di trafico ta resulta cu e no tin status legal. Remarcabel ta cu na GNC mes nan ta manda e mama na un "abogado" cu supuestamente por yud'e saca e pareha for di GNC.

Dia cu e caso di e solicitud pa gezamenlijk gezag ta wordo atendi, Lopez no ta haya permiso di GNC pa atende e behandeling na Corte. E mama ta aparece su so y ta

splica e situacion na Corte. Y asina e ta logra pa nan atende e caso y ta obtene gezamenlijk gezag.

Despues di pasa door di diferente procesonan aki cu exito, finalmente ta logra entrega e peticion pa un permiso di estadia a base di 'bijzondere band met Aruba' dia 12-12-2021 completo cu entre otro overlegging di

- (i) vaststelling vaderschap via DNA test,
- (ii) akte van erkenning, y
- (iii) verklaring van gezamenlijk gezag van het Gerecht in Eerste Anleg van Aruba.

Pero prome cu esey, door cu GNC a detene Lopez caba, a drenta un veredicto di huez pasobra Lopez a entrega un voorlopige voorziening pa schors e werking di e decision di deportacion door cu e lo trece un 'onevenredig nadeel' pa Lopez caminda e huez ta cuminsa pa bisa cu e decision y consideracion di e huez den casonan asina ta di karakter provisional y temporal y cu e no ta bindend den un bodemprocedure y por lo tanto a considera e deportacion rechtmatig basa riba e hecho cu e tata a drenta Aruba desde november 2019 y a keda cu status ilegal na Aruba desde e temporada ey y e hecho cu Lopez ta den espera di decision di su peticion pa permiso no ta cambia esaki.

Pero mester enfatiza cu e decisionnan den casonan asina, caminda ta trata decision riba un peticion pa un medida temporal y provisional, e decision di huez tambe ta uno provisional ya cu e decision por cambia den caso cu

circumstancianan cambia, manera por ehempel e momento cu e permiso wordo otorga.

## MANEHO DI MINISTER RIBA ADMISION Y INTEGRACION

Manera ta conoci y a wordo publica na diferente ocasion, incluyendo den e Programa di Gobernacion y e Startnotitie di nos ministerio, e maneho actual di admision y integracion ta enfoca riba tur esnan cu a scoge pa bin biba y traha na Aruba y di e forma ey forma parti integral di e comunidad y tambe di e desaroyo economico di pais Aruba.

E maneho di gobierno actual no ta solamente un maneho dirigi riba admision so, sino tin tambe como meta pa promove integracion den un fase mas trempan posibel di e estadia di e persona riba nos isla. Cu otro palabra nos ta brinda e oportunidad y apoyo na e stranhero cu a demostra di kier biba y traha riba nos pais e oportunidad pa contribui na, y forma parti integral di, e desaroyo di nos comunidad. Obviamente esaki ta conta pa esnan cu kier haci di Aruba nan hogar, contribuyendo di e forma ey tambe na e obligacionnan cu ta bin cu un estadia legal.

E maneho di admision y integracion di e gobierno actual ta un maneho enfoca riba un maneho controlabel y eficiente pero tambe humano, transparente y cumpliendo cu tratadonan internacional y derechonan humano.

Un maneho integral y estructura cu ademas ta wordo ehecua di acuerdo cu e maneho vigente di labor, esta cu ta promove pa yena e funcionnan vacante existente riba mercado laboral cu trahadonan local prome.

## APLICACION MANEHO RIBA CASO ARIEL LOPEZ

Na prome lugar mester enfatiza cu e maneho di admision y integracion di pais Aruba ta wordo determina door di Gobierno, especificamente door di e minister di Integracion. E ta cai bou e competencia di e minister concerni, di acuerdo cu su maneho, pa determina no solamente e maneho general pero tambe determina, tanto den casonan general y exepcional, ki ora pa otorga un permiso. Cu esaki de consideracion a reactiva e comision di conseho di admision y deportacion: Adviescommissie

Toelating en Uitzetting (ATU).

Conhuntamente cu colega minister di Husticia a bin cu instruccionnan di maneho conhunto ('gezamenlijke beleidsinstructies') pa determina e maneho actual encuan to admision y deportacion, di acuerdo cu e vision di ambos minister.

Manera e huez a enfatisa den su decision provisional/temporal durante e caso di Ariel Lopez, su decision

- (i) ta regarda un peticion pa un medida provisional y temporal,
- (ii) ta basa riba e dossier manera cu e a ricibi y no por exclui cu ta carece di documentonan cu por a haci cu ela jega na un otro decision, y
- (iii) ta temporal ya cu ainda mester worde determina door di minister di integracion si e persona en cuestion ta bin na remarca pa un permiso di acuerdo cu su maneho.

Ariel Lopez no a haci un peticion pa permiso di trabou, tabata a base di 'bijzondere band met Aruba' ya cu e ta conta cu su famia y un hogar aki na Aruba. Sr. Lopez a haci varios intento di legalisa su estadia na Aruba den pasado y den presente, y tabata durante e proceso aki cu ela wordo deteni door di GNC. No obstante mester remarca cu Sr. Lopez a

- (i) cana e proceso completo debidamente,
- (ii) a entrega su peticion na DIMAS pa un permiso,
- (iii) a cumpli cu tur e rekisitonan pa cu e peticion aki segun e maneho vigente, y
- (iv) ta bin na remarca pa un permiso di estadia di acuerdo cu e maneho existente di admision y integracion, pa cual motibo a bai over na honra su peticion.


"Hopi politikeria baho y sushi opositornan y nan medio comprometi a hiba contra mi persona. Y apesar cu e ta un tarea dificil pa bay rescata y recupera e integridad di nos departamentonan, e gran culpabel ta keda e ex Ministernan di AVP cu a dañá imagen di e departamentonan aki cu nan actonan corruptivo", tabata expresion di Minister Glenbert Croes pero kende ta convenci di por hiba e departamento aki den un rumbo nobo di bon servicio, duna cara ora mester, duna respuesta riba peticion- y of negacionnan, y riba eficiencia. Basicamente departamentonan cu ta duna bon "customer care".





**TENE NA  
CUENTA  
E USO DI  
TAPA BOCAS**

## Pomp di DOW na Saliña a plok, causando holor desagradabel pa vicindario



Den weekend a sugri un situacion fastioso na nos pomp-gemaal di Salina. Ta pidi pa tira bista loke ta wordo tira den nos sistema di riolering. Situacion nan asina ta trece cu e pomp ta “plok” y e awa ta bin halto cu un holor desagradabel pa e vecindario.  
Por favor tuma nota

# HQD

**CUVIEPLUS  
1200 PUFFS**

**CUVIEAIR  
4000 PUFFS**



**7463571**





# Parlamentario Marco Berlis (MEP): Si di berdad bo tin Aruba su bienestar na pecho bo lo a vota PRO pa mocion di RWZI

Riba diabierna mainta februari 4, 2022 e comision fiho di Infra-estructura a organisa un mainta di informacion na RWZI pa Parlamento. E punto di encuentro tabata na e planta di Bubali, na unda e Parlamentarionan a haya un rondleiding di e planta y e den nan oficinanan. Nos por a gosa un bon splicacion di cada paso, machin, tanki, e curason di e planta, e inversionnan haci y e cambionan cu ta tumando lugar. Tambe a lansa diferente pregunta y e expertonan a duna splicacion amplio y bon elabora riba tur. Expertonan di e planta a muestra nos e tecnologia anticua cu e planta aki ta usando, ya no ta compatibel mas cu e ekipo nobo cu ta cumprando pa mehora e planta. Inversionnan lo continua pa duna e planta tur e recursonan posibel den e tempo aki, pa asina e ta prepara pa ora e planta nobo wordo construi.

Mester menciona cu e miembro di fraccion di AVP, sr. Rycond Santos Dos Nascimento cu a critica nos rondleiding y mainta di informacion anterior na WEB, y a yame pa buitendag, tabata presente e biaha aki. Mi a keda bastante sorprendi pa wak su persona bin e rondleiding aki. Mi tabata sorprendi ya cu ora mi a tuma e iniciativa di presenta e un solucion den e forma di un mocion den Parlamento, pa urgi gobierno pa traha un meerjarenplan structura di mantencion di e plantanan y aloca fondo pa esakinan den begroting y tambe pa un planta nobo, e y henter su fraccion di AVP a vota en contra. Pesey, despues di a trata di boycotia e renobacion y ayudo na e planta di RWZI, mi no sa cu ki intencion e miembro di Parlamento aki encuestiona a bin e mainta informativo aki. Si di berdad bo tabata asina preocupa cu e calidad di awa y nos beachnan, bo lo a vota PRO pa e instalacio-



nan di RWZI wordo manteni, upgraded y un instalacion nobo na Bubali por wordo traha. Pero bo a vota CONTRA!

Dimes miembronan di Parlamento di coalicion tabata tey, y sra Gunn di fraccion di MAS tambe tabata tey. Ma keda sorprendi un biaha mas, pasobra el a yega trempan. Mi asombro cu ne, tabata de hecho cu ma kere cu e ta un persona serio. Pasobra apesar cu e y su lider sra. Lopez-Tromp tabata informa di e condicion y crisis cu RWZI ta den dje, su persona y su lider a vota en contra di salba nos plantanan di RWZI. E ta e actitud aki cu mi ta haya lamentabel y sigur condenabel. Con por hustifica e accion anti-Aruba asina aki? Y asina mes partidonan chikito den oposicion cu nunca a saca un

asiento, nunca ta menciona nada di esaki den prensa. Alcontrario, nan ta para solidario contra di e a salvacion y renobacion di nos plantanan di RWZI. Ta bisto cu ora bo critica tur otro cos pero ta tene man cu esnan cu ta vota contra Aruba, bo tambe ta participa den e criminalidad aki.

Nos no por ta selectivo den nos critica ora ta toca nos pais Aruba. Si di berdad nos ta stima e baranca aki, nos ta yama bon loke ta bon y nos ta vota en contra di loke no ta cumbini nos pais. Pero pa bisa tur cos ta malo, inventa storia, tene man cu esnan no tin Aruba na pecho, hunga un politica djis pa yega na poder, ta un practica peligroso y cu pueblo sigur lo sa di husga.

## Paga bo cuenta online ta facil

Sea  
**Abonnement  
of Aviso**

Pago online,  
facil y lihe

Pa hasi pago online pone number y adres na  
cuenta di banco RBC Sunmax Printing  
account # 7700000100152447



**TENE NA  
CUENTA E USO  
OBLIGATORIO  
DI TAPABOCA**

Yama nos y traha cita pa controla bo pecho nan.



Hende muher nan entre  
45 cu 75 aña di edad.  
Haci bo mamogram cada 2 aña.

**Stichting BOB Aruba a muda**  
Adres : Caya dr. JEM Arends 17

Telefon: 588-1212  
WhatsApps: 594-5020


Nos ta traha solamente cu cita confirma.  
Servicio gratis cu carchi AZV

**Deteccion na tempo por salba bo bida !**



# SABIDURIA DEN NOS ALEGRIA

Skirbi pa Ruthy "Lady Ruth" Vrieswijk-Bergen



Tur bunita luna tin su encanto. Si, e luna na shelo leu aya ariba meymey di e streanan den oranan di anochi, pero Lady Ruth papiando di e luna "tempo". Nos ta den e luna di Februari 2022, un tempo di amor y amistad. Un dushi tempo pa romance, roza y chuculati. Bisa otro "Mi ta stima'bo".

Hopi lo hanja falta di e paradanan di Carnaval y ta focus ariba fiestanan y actividadnan alegre cu musica soca, calypso y hasta roadmarch, pa nan sinti menos falta di e fiesta carnal gigantesco aki.

Diadomingo nos a keiro atrobe, e biaha aki den curason di San Nicolas, pariba di brug. Nos a bay keiro bandi Baby Beach, nos por a wak con dja leu e ruinan di locual tawata den su tempo di gloria te cu anjanan 80 nan ey, ora Lago a sera su portanan na 1985 of ta 1986 ney si mi por corda bon, (despu- es a bin Coastal si mi por corda) pasobra mi casa cu mi tawata di vacacion

na Ciudad di Mexico, ora cu nos a ricibi un yamada telefonico pa laga nos sa cu Lago ta sera. Enves di a keda 2 siman na Mexico nos a keda un siman, pasobra no tawata sa kiko lo bai pasa. E resto di storia hopi sa caba, cu a focus mas ariba turismo etc. hopi hende a bai biba na Hulanda of otro caminda den exterior, caminda nan a logra hanja un otro trabao. A sinti nostalgia, ora nos tawata keiro den San Nicolas, awor cu su murayan cu cosnan artistico pinta na color ariba nan, hopi negoshi cu trali nan dilanti, un O'neil Kitchen cu ta habri y ofrece su platonan dushi na bon prijs, Charlies bar still going strong, tin atrobe Teatro Principal di cine banda di e Bibliotheek pariba di brug. Y tin tambe awor e lugar di celebra actividadnan y fiestanan di Carnaval den e Carnaval Village y Entertainment place. Mi tambe tin fami- anan bibando den San Nicolas. Pero laga nos bin



bek ariba e tempo di e luna aki di Februari, e luna di Dia di San Valentino, e dia di amor y amistad. St. Valentine's day.

Diasabra awor dia 12 di Februari ta nos beurt di firma buki na Plaza Bookshop. Ruthy Vrieswijk-Bergen alias Lady Ruth lo tey presente for di 11 or di mainta te cu 1 or di merdia pa firma su buki nobo "Alegria di Ruthy Poema 2" (pero tin oportunidad tambe pa firma e bukinan Poemanan di Ruthy y Sigui inspira pa duna.) Den un ambiente sumamente dushi di amor y amistad, nos lo aprecia boso presencia y compania sigur. Tur Lady Ruth su poemanan ta trata y of papia un of otro manera di amor. E color cora ta bay resalta meymey di tur e bunita cositanan cu Plaza Bookshop ta ofrece pa cu e toke di atencion den amor y amistad. Y si ta desea, nos lo recita algun poema di amor pa tur presente. Nos ta asina bendiciona den nos mesun relacion di amor ya bayendo pa 45 anja e anja aki. Un amor cu a bendiciona mi casa y ami cu 2 yui homber

guapo balente, di bon salud, hopi sabi y hopi inspira. Y nan a bira tata, regala nos 1 nieta y 4 nieto, tambe bon di salud, sabi, talentoso, bunita y bendiciona, hasi nos welo y wela bendiciona. Y Dialuna dia 14 de Februari mes, dia di amor y amistad, lo tin "A night in Venice dinner show" na Renaissance Festival Plaza den oranan di anochi cu musica y canto di e.o. Kriss Kross y Edjean Semeleer. Nos tambe ta apoya nos dushi hendenan local y semper Go Cultura a organisa tremendo bon actividadnan social cultural musical. Danki Ed y Arthur pa stima y kere den nos cultura. Lagami termina mi relato di e siman aki, felicitando mi bunita prima Naomy, cu a celebra su di 29 cumpleaños cu un super dushi nochi di karaoke cu su sernan keri mas cerca. Oh, ki bunita y dushi ambiente

! Danki Aunty Esther pa canta asina bunita pa nos! Lady Ruth tambe por a canta bai gol. Tur su favoritonan: Jambalaya, Blue Bayou, Guitar Man y hopi mas. Pabien lieve Naomy cu salud y alegria! You are beauty inside out! You are the blessing!

Cu tur bo sonjonan wordo realisa y cu nos por sigui celebra cu bo hopi nochi di karaoke mas.

Danki shonnan pa lesa nos relato, corda nos invitacion di curason pa bin topa nos Diasabra awor 12 Februari entre 11or am y 1 or pm di merdia na Plaza Bookshop den curason di Dakota den Avenida Milio Croes. Nico Luydens y team di Plaza lo atende boso cu un bunita sonrisa di curason. Promoviendo nos escritor y escritor- an local cu nan obranan nobo.

Shonnan tur, sigui cuida, stay safe. Love you too!



**TENE NA  
CUENTA E USO  
OBLIGATORIO  
DI TAPABOCA**





# Cinco infusion cu ta calma e ansiedad pa huma

Poco habito ta asina nocivo pa nos salud, manera huma. Sin embargo, apesar di esey, cada aña e cantidad di humado ta sigui crece, en especial entre e genero femenino y e poblacion mas hoben.

Di un otro banda, alto na loke hendenan ta enfrenta (ademaas di e gran cantidad di enfermedadnan cronico) ta e dificultad na ora di laga e adiccion aki.

Evita sigaria ta converti den un tarea dificil, vooral ora cu tin demasiado tempo humando y superando bo ansiedad atraves di esaki.

No obstante, basta cu tuma e decision di laga e habito aki pa duna un paso hopi importante na loke ta un estilo di bida mas saludabel.

Si ta bon, na principio ta parece dificl, cu e paso di e dlanan e dependencia ey ta bay reduciendo cu ta conduci na huma di manera excesivo.

Afortunadamente, tin infusionnan 100% natural cu por bira un gran apoyo den e lucha contra e problema aki, no solamente pasobra e ta calma e deseo di huma, sino cu e ta promove e desintoxicacion di e organismo.

A continuacion no s ta comparti e 5 mihonan pa bo no duda den purba nan.

## 1. Infusion di pasiflora of passionflower pa stop di huma

E infusion di pasiflora of passionflower (na Aruba conoci como flor di shoshoro) tin propiedadnan relahante cu por yuda combati e ansiedad di stop di huma. Es mas, estudionan manera cu a tuma luga na e Universidad di e Farmacia di Campbell ta revela cu ta util pa reduci e efecto adictivo di nicotina.

Su ingestataundi etratamentonan natural pa e sindrome di abstinencia, comun entre esnan cu tin demasiado tempo siendo adicto na tabaco.

### Ingrediente

- 1 telep di pasiflora (5 g)
- 1 cup di awa cayente (250 ml)

### Preparacion

- Incorpora un telep di blachi di pasiflora den un cup di awa herbi y lag'e reposa 10 minuut
- Despues col'e y sirbi'e.

### Modo di consumo

- Bebe 2 pa 3 cup di e infusion pa dia.

## 2. Infusion di ginger

E Departamento di Kimica y Bioiencia Aplica Zurich, na Suiza, a realiza un estudio na 2010 unda cu nan a splica cu ginger ta adecua pa reduci e ansiedad.

Nos no por lubida cu e mata aki (y en especial su rais) ta contene antioxidante y propiedadnan antiinflamatorio.

Tur esey ta yuda nos den e lucha contra e sindrome di abstinencia y remove e residuonan toxico cu sigaria ta laga den e organismo.

Su propiedadnan calmante ta controla e deseo di huma y poco poco ta yuda bandona e habito perhudicial aki.

### Ingrediente

- 1 cup di awa cayente (250 ml)
- 1 cuchara di ginger raspa (10 g)

### Preparacion

- Pone awa di un cup herbe y ora cu e herbe completo, agrega e ginger raspa.
- Lag'e reposa 10 minuut y despues col'e.

### Modo di consumo

- Bebe 2 pa 3 cup di e infusion di ginger pa dia.

## 3. Infusion di ginseng

E consumo diario di e infusion di ginseng ta un tratamiento natural pa controla e ansiedad di huma y di paso, disminui e efectonan di nicotina den e organismo.

Su poder depurativo ta facilita e expulsion di e toxinanan, mientras cu su accion antioxidante ta proteha y fortalece e celnan.

### Ingrediente

- 1 telep di ginseng (5 g)
- 1 cup di awa (250 ml)

### Preparacion

- Agrega e ginseng den un cup di awa cayente y lag'e reposa 10 minuut.
- Col'e y bebe e likido.

### Modo di consumo



- Bebe un cup di e infusion di ginseng ora cu sinti e prome señal di ansiedad.

## 4. Infusion di yerba di San Juan (John's Wort)

E yerba di San Juan of hipericum ta un remedi natural cu propiedadnan antidepresivo y relahante cu por mehora e estado di animo mientras cu e ta calma ansiedad.

Es mas, estudionan manera cu a tuma luga pa e dokternan Eric A. Apaydin, Alicia R. Maher, Roberta Shanman di e Universidad di Santa Monica, a splica nos cu e mata aki ta efectivo pa trata tanto depresion modera como e estadonan di ansiedad tambe modera.

Su infusion a wordo uza como complemento pa stop tabaco, dado cu e ta disminui e deseo di huma en exceso.

### Ingrediente

- 1 cup di awa (250 ml)
- 1 telep di yerba di San Juan (5 g)

### Preparacion

- Pone un cup di awa keinta y ora cu e awa herbe, agrega e yerba di San Juan.
- Lag'e reposa te ora cu yega e temperatura apto pa consumo y pas'e den un colado.

### Modo di consumo

- Bebe un cup di e infusion na yuna y si ta necesario, ripiti e tratamendo atardi laat.

5. Infusion di regaliz of Liquorice  
E infusion di regaliz of liquorice ta un bebida natural cu a wordo usa for di varios decada como tratamiento natural pa reduci ansiedad di huma.

Su rizoma y raisnan ta conta cu activonan natural cu ta yuda mehora e estado di animo, alabes cu ta genera un agradabel sensacion di bienestar cu ta reduci e dependencia di sigaria.

### Ingrediente

- 1 cuchara di rais di regaliz (10 g)
- 1 cup di awa cayente (250 ml)

### Preparacion

- Basha un cuchara di rais di regaliz den un cup di awa herbi y lag'e reposa entre 10 y 15 minuut.
- Una bes cu e alcanza un temperatura apto pa su consumo, pas'e den un colado y sirbi e likido.

Modo di consumo

- Bebe un cup di e infusion na yuna of den e prome sintoma di ansiedad.

Bo ta purbando di stop di huma? Si ta asina, incluso si no, tuma e decision y apoya cu e infusionnan aki pa enfrenta e adiccion aki cu por ocasiona hopi problema di salud.

Di un otro banda no duda den solicita ayudo profesional. Ta existi terapianan psicologico hopi efectivo pa libra nos di e habito aki. Awe ta un bon dia pa duna e paso aki.



**Clasificados**



**SOLODIPUEBLO@GMAIL.COM**  
**CEL.585 9500**



**FOR SALE - FOR SALE - FOR SALE**



**HYUNDAI ACCENT**  
 2014 TOP CONDITION CALL  
**5694343 FOR TEST DRIVE**

**OPORTUNIDAD PA TRABAO**

Tin oportunidad pa trabao pa un kokki/cocinera y helper di cumindanan crioyo pa un Take Away.



**Pa informacion por wasap 746-3571**

**95 Top95fm**  
 Posted by Creator Studio for iOS  
 1m · 🌐

**Bo ta un Early Bird? Renobando nos programacion; Tin oportunidad pa un Early Bird energetico, pa traha di 5am pa 7am.. Nos ta open pa scucha; SEA ta gospel, balada, "lanta'riba".. of programa di oracion of un combinacion. Pa mas informacion, tuma contacto cu nos. [top95fm@gmail.com](mailto:top95fm@gmail.com)**




**FOR SALE - FOR SALE - FOR SALE**



**Ford Shuttle Bus 2006 ~ E450 diesel**  
 Prijs reduci: Afl. 17.500  
 Perfecto pa snack truck

**739-0101**



## PRONOSTICO DI TEMPO VALIDO

TE DIAMARS 08 DI FEBRUARI 2022, 18:00 ORA.

ELABORA: DIALUNA 07 DI FEBRUARI 2022 17:00 (21:00 UTC)

TEMPO:

AWE ANOCHI: PARCIALMENTE NUBLA CU UN POSIBLE AWACERO PASAJERO

DEN MARDUGA I MAYAN: PARCIALMENTE NUBLA CU UN AWACERO PASAJERO TE BREVE

TEMPERATURA MAXIMO 31 GRADO CELSIUS  
TEMPERATURA MINIMO 26 GRADO CELSIUS  
INDICE DI CALOR (HEAT INDEX) DEN Y ROND  
DI ORANAN DI MERDIA: 32 PA 35 GRADO CELSIUS  
UV INDEX: 9

BAHADA DI SOLO : 6:44 PM  
SUBIDA DI SOLO : 7:04 AM

BIENTO:

MODERA FOR DI OOST;

FORSA 3 TE 4 (12 TE 30 KM/ORA, 7 TE 16 NUDO).  
DEN DIA BASTA FUERTE TE FUERTE DEN RAFAGA;  
FORSA 5 TE 6 (31 TE 50 KM/ORA, 17 TE 27 NUDO).

SITUACION GENERAL DI TEMPO PA PROXIMO 24 ORA:  
EXTENCION DI E AREA DI PRECION HALTO LO SOSTENE  
UN BIENTO MODERA TE BASTA FUERTE, FUERTE DEN  
RAFAGA. HUMEDAD DEN REGION TA SUFICIENTE PA  
INDUCI ALGUN AREA DI NUBIA CU POR PRODUCI UN  
AWACERO PASAJERO TE BREVE PRINCIPALMENTE  
DURANTE MARDUGA Y MAINTA DI DIAMARS.

CONDICIONAN MARITIMO/ ESTADO DI LAMA:  
NA PARTINAN PROTEJE DI COSTA: LEVE  
NA PARTINAN ZUID: TRANKIL TE MODERA  
NA PARTINAN OOST TE NOORDWEST DI COSTA:  
GENERALMENTE MODERA

OLANAN LO TA ENTRE 3 PA 5, LOCALMENTE 6 PIA.

AVISO/ ALERTA:

NA OPERADORNAN DI BOTO CHIKITO TA WORDO SUGERI  
PA BAI CU CAUTELA RIBA PARTINAN OOST TE NOORDWEST  
DI COSTA

FENOMENONAN SPECIAL  
NINGUN

POTENCIAL DI AWACERO PA PROXIMO 24 ORA:  
1 TE 3 MM; LOCALMENTE ESAKI POR VARIA.

REGISTRACION DI TEMPERATURA (GRADO CELSIUS) Y  
AWACERO (MM) DEN ULTIMO 24 ORA (8'AM PA 8'AM):

AIRPORT : MAX 30 / MIN 25 / 0.6 MM  
WESTPUNT: MAX 31 / MIN 25 / 0.2 MM  
STA ROSA: MAX 31 / MIN 26/ 0.7 MM

PRONOSTICO DI TEMPO PA PROXIMO 3 DIANAN:  
PARCIALMENTE NUBLA CU UN AWACERO PASAJERO TE  
BREVE.

BIENTO LO TA FOR DI GENERALMENTE DIRECCION OOST  
I MODERA; BASTA FUERTE TE POSIBLEMENTE FUERTE DEN  
RAFAGA;

TEMPERATURA (GRADO CELSIUS) MAX / MIN LO TA: 31 / 26

**Tur Mucha**  
**bon vacuna**

**Gratis y**  
confidential



**Pa Kiko?**

Pa proteha y garantiza e bienestar y salud di  
tur mucha cu ta biba na Aruba.

**Ken?**

Tur mucha di 0 pa12 aña cu ta biba ilegal  
na Aruba.

**Con lo hacie?**

Lo duna e vacunanan necesario pa completa e schema di vacunacion contra Sarampi, Bol  
(Cacheton), Rubella (Sarampi Aleman), Difteria, Tetanus, Kinkhoest, Polio, Pneumococ,  
Hepatitis B y HPV (Human Papilloma Virus)


**Na unda?**

Na e Wit Gele Kruis of e Seccion Cuido Salud Hubenil (JGZ)  
cu ta e instancianan  
na Aruba encarga pa vacuna muchanan 0 pa 12 aña.

	Telephone	Whatsapp	Email
WGK Noord	281-4514	594-8439	swgk.noord@witgelekruiSaruba.org
WGK Dakota	281-4515	594-8476	swgk.dakota@witgelekruiSaruba.org
WGK Santa Cruz	281-4517	594-8437	swgk.stacruz@witgelekruiSaruba.org
WGK San Nicolas	281-4523	594-8443	swgk.sannic@witgelekruiSaruba.org
Cuido Salud Hubenil (JGZ)	522-4294		jgz@dvg.aw

Corda e servicio aki ta gratis y tur informacion lo keda personal y confidencial

Pa mas informacion por subi e website: [www.dvg.aw/turmuchabonvacuna](http://www.dvg.aw/turmuchabonvacuna)



**AK**

**Sushi di**  
**cura?**

Nos ta tir'e  
afo

**AWG 50**

OFERTA GRATIS OF RESERVACION  
+297 7460815  
[AKGARDENARUBA@GMAIL.COM](mailto:AKGARDENARUBA@GMAIL.COM)

**BAN TENE ARUBA LIMPI**



# SERVICIO Y COMPRA

## SOLO *Di Pueblo* OBITUARIO

Publica serka nos anuncio di fayecimento di bo ser keri.  
Nos tin 2 pakete pa ofrese

Pakete 1: Anuncio di fayecimento te dia cu e defunto  
ser dera  
Gradicimento y invitashon pa misa pa 3 dia Afl 250,00

Pakete 2: Anuncio di fayecimento te dia cu e defunto  
ser dera  
Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

Pa mas informashon por tuma contacto cu oficina  
na 585-9500 of na 741-4554 puntra pa  
Janila Henríquez

## TA BUSCA TERENO EIGENDOM

Na Ayo, Matividiri, Rooi Prikichi,  
Koeriboeri, Sjabururi, Santa Lucia y  
vecindario.

**Jama: 5603316**

## TA HUUR

den CENTRO COMERCIAL  
NOORD un localidad  
di 120M  
Bon situa, pa mas  
info yama: **592-3327**



## SCEPTIC TANK (7 CUBE)

PRIJS SPECIAL  
**AWG 75,-**




**YAMANOS NA:**  
**560 3500 OF 563 4201**

## Hyundai Tucson 2009 Top 1 condition



**Call: 5942389**

## Clasificados



**SOLODIPUEBLO@GMAIL.COM**  
**CEL. 585 9500**





## Servicio na Comunidad

Brandweer	911
Polis	100
Polis Oranjestad	102
Polis San Nicolas	104
Polis Santa Cruz	105
Polis Shaba	107
Tiplijn	11141

Ambulance San Nicolas	584-5050
Ambulance Sasaki	582-5573
Ambulance Wayaca	582-1234

Horacio Oduber Hospital	527-4000
Centro Medico San Nic.	524-8833
SVB AO Ziekmelding	527-2782

Servicio nan	
Elmar storingdienst	523-7147
Web storingdienst	525-4600
Setar storingdienst	117
Digicel	145
Reina Beatrix INT Airport	524-2424
Serlimar	584-5080
Arugas	585-1198
Guarda nos costa	913

Aurora Funeral Home	588-6699
Royal Funeral Home	586-4444
Ad Patres Funeral Home	584-2299
The Olive trees Funeral Home	582-0000

Fundacion	
Rode Kruis	582-2219
Fada	583-2999
Fundacion Respetami	582-4433
Fundacion Guiami	587-1677
Muhe den dificultad	583-5400
Telefoon pa hubentud	131
Centro Kibrahacha	588-3131
Stichting Bloedbank	587-0002
Mary Joan Fundation	588-9999
Kiningin Wilhelmina Fonds	582-0412
Fundacion pa nos mucha nan	583-4247

## Dienstregeling artsen Pariba Di Brug

**FEBRUARI 2022**

Dr. Boderie, E  
Dr. Croes, G  
Dr. de Cuba, M  
Dr. Every, B  
Dr. Giel, D

Dr. Linden v/d, J  
Dr. Ramautar, K  
Dr. Vis, S  
Dr. Wever, M  
Dr. Winterdal, N

MA 01 RAMAUTAR  
DI 02 VIS  
WO 03 WEVER  
DO 04 WINTERDAL

MA 07 BODERIE  
DI 08 CROES  
WO 09 DE CUBA  
DO 10 EVERY  
VR 11 GIEL

MA 14 LINDEN V/D  
DI 15 RAMAUTAR  
WO 16 VIS  
DO 17 WEVER  
VR 18 WINTERDAL

MA 21 BODERIE  
DI 22 CROES  
WO 23 DE CUBA  
DO 24 EVERY  
VR 25 GIEL

MA 28 DE CUBA(Carnavalmaandag)

### WEEKENDDIENST

05 – 06 FEBRUARI	*	LINDEN V/D
12 – 13 FEBRUARI	*	RAMAUTAR
19 – 20 FEBRUARI	*	VIS
26 – 27 FEBRUARI	*	WEVER

## NUMBERNAN IMPORTANTE pa covid-19



**Emergencia pa covid pashent**

166



7pm-7am di  
Dialuna pa  
Diabierna/  
Weekend  
full dia



**Test den siman**

Yama bo Dokter di Cas



Orario di  
oficina so



**Keho pa infraccion di regla di negoshi**

522-4267



Orario di  
oficina so



**Test prome cu bay den exterior**

597-4522, 280-0630 y 592-0709




Orario di  
oficina so



**Persona indocumenta cu sintoma**

280-0101



Orario di  
oficina so



**Turista cu sintoma**

280-0505



Orario di  
oficina so




8 Comments



**TENE NA  
CUENTA E USO  
OBLIGATORIO  
DI TAPABOCA**



# Campaña di fin di aña WordFun a percura pa hopi goso den famia: Fun Miles ta anuncia ganadornan di e 'buskeda di letter' mas grandi cu Aruba a conoce



ORANJESTAD – Dia 2 di februari a tuma lugar e sorteo di WordFun, e campaña di fin di aña cu a percura pa un buskeda di letter masivo na Aruba. Den e ultimo lunanan comunidad di Aruba a spaar letter pa traha palabra di manera cu nan por gana un di e fabuloso premionan, entre otro, un espectacular Ford EcoSport di Yrausquin, un set di camber di Cas di Max, y dos pasashi pa Miami di Aldo Travel y American Airlines.

Fun Miles a anuncia e ganadornan di e premionan grandi y entretanto a wordo yama caba pa comparti e bon noticia y felicita cada un di nan. Fun Miles ta gradici tur participante y tur Fun Partner. Pronto lo tin mas campaña interactivo y fun!

E ganadornan E Ford EcoSport di Yrausquin a wordo gana dor di 360902846979, Melecio Marchena; e set di camber di Cas di Max a bay pa Charles/Roxana Vis y e 2 pasashinan pa Miami di Aldo Travel y American Airlines a bay pa Randall Van Stralen. Centenares di otro premio atractivo a keda entrega na participantenan di e 'Word of the Week' 'online'. Por

haya un lista completo di e carchinan di Fun Miles cu numbertan ganador riba [funmiles.net](http://funmiles.net).

Un distraicion 'fun' den tempo dificil WordFun a resulta pa hopi hende un 'pasa tempo' y un distraicion alegre den e pandemia cu nos ta bibando. Por a confirma esaki riba rednan social, na unda cu hopi hende a comparti foto di nan famia mientras nan tabata 'pega letter' cu WordFun. E biha aki desafortunadamente FunMiles no por a organisa e 'dia di cambio', ya cu salud di nos miembronan ta na prome lugar.

Popular 'Wega Online' ta sigui

Un di e componentenan mas popular di e campaña tabata e 'wega online' na unda participantenan mester a rei e palabra di siman. Mas nan uza nan carchi di Fun Miles, mas letter ta aparece. Riba peticion di miembronan Fun Miles a dicidi pa sigui cu e 'wega online'. Pronto lo tin mas informacion!

Tocante Fun Miles Fun Miles ta e programa di recompensa na cliente mas grandi den Caribe. Miembronan ta disfruta continuamente di ofertan-



an special, promocionnan fun y campananan pa gana premio. Esun cu no kier perde nada, ta wordo recomenda pa sigui Fun Miles riba social media, bishita [funmiles.net](http://funmiles.net) y pa download e app gratis di Fun Miles.

Mas informacion tocante Fun Miles?

Tuma contacto cu servicio na cliente na number +297 588 9947 of bishita [funmiles.net](http://funmiles.net) of [facebook.com/funmiles](https://www.facebook.com/funmiles).

Partnernan di WordFun na Aruba:

Yrausquin, Kooyman,

ENNIA, ATCO Concrete Products, DABenu, McDonald's, Aldo Travel, American Airlines, Setar y Bingo Aruba.

## PUEBLO A HAÑA SU PEN BEK

Pa kualkier informacion  
[solodipueblo@gmail.com](mailto:solodipueblo@gmail.com)  
of  
**585-9500**





Lotto MERDIA  
FEBRUARI 6

<b>CATOCCHI</b>	<b>LOTTO 5</b>	
Sorteo # 3467	Sorteo #	Joker Letter
5329	0 x Jackpot	Proximo Jackpot
3169	0 x Match 4+	200.000,-
9855	0 x Match 4	
<b>MULTI X</b>	0 x Afl. 12,00	
X2		
<b>BIG 4</b>		
Sorteo # 3467		
7800		
<b>DIFF</b>		
Sorteo # 1523		
7880		
<b>ZODIAC</b>		
Sorteo # 3467		
1922		
Acuario		
<b>LUCKY 3</b>		
Sorteo # 341		
431		
<b>MULTI X</b>		
x2		

Lotto ANOCHI  
FEBRUARI 5

<b>CATOCCHI</b>	<b>LOTTO 5</b>	08-15-26-27-35
Sorteo # 7559	Sorteo #	Joker 22 Letter F
4941	0 x Jackpot	Proximo Jackpot
7482	0 x Match 4+	200.000,-
5009	0 x Match 4	
<b>MULTI X</b>	95 x Afl. 12,00	
X2		
<b>BIG 4</b>		
Sorteo # 6603		
7356		
<b>DIFF</b>		
Sorteo # 1308		
3848		
<b>ZODIAC</b>		
Sorteo # 5362		
0101		
Virgo		
<b>LUCKY 3</b>		
Sorteo # 292		
812		
<b>MULTI X</b>		
X2		

Lotto MERDIA  
FEBRUARI 7 -(2022 Siman 7

<b>CATOCCHI</b>	<b>LOTTO 5</b>	
Sorteo # 3468	Sorteo #	Joker Letter
9036	0 x Jackpot	Proximo Jackpot
9768	0 x Match 4+	200.000,-
6402	0 x Match 4	
<b>MULTI X</b>	0 x Afl. 12,00	
X3		
<b>BIG 4</b>		
Sorteo # 3468		
5903		
<b>DIFF</b>		
Sorteo # 1524		
8405		
<b>ZODIAC</b>		
Sorteo # 3468		
1854		
Cancer		
<b>LUCKY 3</b>		
Sorteo # 342		
675		
<b>MULTI X</b>		
X3		

**Pa abona na SOLO DI PUEBLO**

**Yama**  
**585 9500**  
of manda nos un e-mail na  
**solodipueblo@gmail.com**

Entrega tur dia te den bo port'i cas



# Sidney Ponson Charity Foundation a haci muchanan feliz den fin di siman



Pa hopi hoben deportista e fin di siman tras di lomba tabata uno special y cu a trece un alegría grandi den nan bida. Sidney Ponson Charity Foundation y su team di boluntarionan a pasa diferente veld pa entrega materialnan deportivo.

Manera ta conoci, siman pasa despues di hopi trabou realisa a logra concretisa un di e metanan di Sidney Ponson Charity Foundation: Varios material deportivo a yega Aruba, danki na e bon colaboracion ricibi di Fast Delivery Services. Despues di inspeccion di e materialnan y un presentacion na entre otro Minister di Deporte Endy Croes, e material tabata cla pa wordo reparti bou di e hobennan cu ta practica baseball. Y esaki a tuma lugar durante henter fin di siman. E materialnan ta algo hopi impotante pa e muchanan.

E tabata un momento di hopi emocion pa mira e cara di alegría bou di e hobennan cu sea a ricibi un glove, e set di catcher of un bat, pa nan por prac-

tica nan deporte favorito. Hopi hoben na Aruba tin e soño pa yega Grandes Ligas mescos cu Sidney Ponson a logra. Sinembargo ta pasa den dificultad pa motibo di falta di material, sea door cu nan ekipo no tin mucho recurso y/of nan mayornan tampoco. Cu esaki den pensamiento e expelotero di Grandes Ligas Sidney Ponson a lanta un fundacion pa yuda e muchanan aki yega mas cerca di nan soño. E mayornan y coach nan a keda sumamente contento y a aprecia e gesto aki.

“Yega leu ta existi hopi disciplina, pero e ta cuminsa for di chikito. Tambe e muchanan mester tin e materialnan necesario. E fundacion a wordo lanta cu e meta aki, cu ayudo di boluntarionan. Poco-poco nos ta cuminsa logra e metanan poni, di mira un sonrisa grandi riba cara di nos beisbolistanan chikito y e soño di tin e materialnan pa nan por practica nan deporte favorito. Un mucha mas cu ta practica, ta aleh’e di e mal caminda,” Sidney Ponson a expresa.

Nos no mester lubida cu cada coach cu ta riba veld den fin di siman pa train, no ta ricibi ningun pago, e ta algo cu nos tur mester para keto un rato y ta importante pa comercio duna un man na esaki. Ta importante pa mayornan mira esaki y aprecia e trabao di cada coach cu ta traha oranan liber pa bin train e muchanan cu hopi pasenshi y cariño, y basa riba e iniciativa aki di cada coach, nan ta kita mas di 40 pa 60 mucha pa siman for di riba caya. Mirando e desaroyo aki e alegría ta di mira e muchanan ta train hunto y ta wanta nan for di caya. Tanto diasabra como diadomingo Sidney Ponson hunto cu otro expeloteronan Eugene Kingsale y Milton Croes tabata presente pa yuda den e trabou di pasa e diferente veldnan, for di pariba te pabou.

E veldnan cu a pasa den e fin di siman aki tabata veld Xander Bogaerts Ballpark, ex Centro di Barrio Lago heights Ballpark, Luciano Booshi Wever Ballpark, Rockets na Sta Cruz y na final a para na centro di barrio tankilieendert unda



cu e muchanan di barrio di noord por a bin a ricibi nan material.

E fundacion ta masha gradicido na Fast Delivery Services, cu no solamente a yuda trece e carga Aruba, pero tambe Gigi Helder y e chauffeur Roland Mauricia, cu a pasa henter dia cu e team repartiendo e material – keds, glove, bat – na principalmente muchanan cu no tin esakinan. Loke cu resta ta bay pa e ekiponan. A logra e meta aki cu colaboracion

di companianan grandi di Merca cu Sidney Ponson a yega di traha cu nan den su temporadanan den Grandes Ligas.

A funda Sidney Ponson Charity Foundation na 2021 cu e meta pa trece sonrisa riba cara di e deportistanan hoben di Aruba. Ta trahando riba un proyecto grandi cu ta Sidney Ponson Ballpark den Compleho Deportivo Bubali. Promove practica di deporte en general ta loke e fundacion ta promove tambe.





**FUNDACION VENERABLE**  
**JOSE GREGORIO HERNANDEZ**  
**TANKI LEENDERT 128**



**Ta invita**

Nos devotonan contruibuidor y pueblo di Aruba en general pa asisti na un Santo Sacrificio di MISA Pa pidi nos Creador pa bendición y pa nos por cuminsa prepara pa drenta un Cuaresma jen di fe.

**DIA** 09 di February 2022  
**ORA** 7.0R DI ANOCHI  
**LUGAR** SITIO DI ORACION

Corda bin cu tapaboca y mantene distancia.

Boso precensia ta altamente aprecia

**VACUNA!**  
PROTEHA BO MES  
PA NOS POR  
PROGRESA.



## Oracion di dia

Un feliz dia bendiciona y cu Dios proteha boso cu Su Sanger Precioso.

..“Su cabes no ta bon”.(Marco 3, 21)

Ruman ora Hesus tabata papia, E Palabra ta dal tur hende y nan ta expresa asina pa hustifica nan maldad scondi. P'esey cada bes cu nos scucha E Palabra nos mester resa pidi Spirito Santo compromemento pa nos por ricibi locual Hesus kier muestra nos y tambe di biaha probecha di pidi Spirito Santo e Forsa, pa nos por cumpli cu Señor Su Boluntad. "Dios di Universo.....y nos lo ta Salba"(salmo 80,7) mare nos por ripiti e Palabranan ey di e salmo tur dia di nos bida. Ruman sigui Hesus no ta dificil, manera hopi ta bisa, e problema cu nos tin ta cu, nos tin miedo y falta di curashi pa bisa Hesus, manera Mama Maria "ata Sirbidor di Señor: laga sosode cu mi loke Bo a bisa"(Lucas 1,38) Ruman esey alabes mester ta nos oracion diariamente pa asina nos por haya e forsa pa bisa Hesus "SI" cada dia di nobo! Tambe di e manera ey nos lo por refleha e Hesus cu ta biba den nos y cu tanto nos ta stima, E Hesus cu ta stima mi sin limite!

Oracion: Hesus mi Señor y mi Dios duna mi y haci mi curason pareu na Bo curason y fortifica mi pa mi por cumpli cu Bo Santo Boluntad cu ta beneficia tanto mi famia, mi amigonan y mi mes. Amen

## FORTALEZA PA FAMILIA

Scirbi pa Pastor Marcel Balootje

## COMUNICA CU DIOS



Señor nos ta bini dilanti di bo trono di gracia awe, y nos ta reconoce cu bo ta Dios Todopoderoso, Rey di Reynan y Señor di Señornan ..

Pesey den nomber di Cristo Hesus nos ta bini contra tur poder di malesa, tur poder di scuridad, tur poder satanico, tur nubia scur cu ta rondona e isla aki y nos ta yama riba e Sanger di Cristo Hesus cu a wordo derama riba sero di Golgota y tin poder pa tumba tur muraya di malicia, tur locual cu ta contra e palabra di Dios, tur desobediencia ta wordo bashi abao, den nomber di Cristo Hesus, Nos ta bini contra e spirito di coronavirus cu kier domina e isla aki, y nos ta reprende den nomber di Cristo Hesus, tur spirito di malesa tin cu bay pa tera seco den nomber di Cristo Hesus.

Nos ta cubri Aruba y tur isla di Caribe Hulandes bao di e sanger di Cristo Hesus y nos ta declara cu Aruba ta pertenece na Cristo y cu ningun forsa di scuridad y ningun malesa of virus por domina riba e isla aki. Senyor habri wowo di tur hemde, pa nan realisa y acepta cu Hesus Cristo ta Señor y den Su Nomber nos ta mas cu vencedor. Señor nos ta yama bo danki pa scucha y contesta oracion, pasobra solamente den Bo nomber tin poder, pone Bo man riba cada cas di famia, riba tur dokter y tur frontliners, polis etc y cuida nan den nomber di Cristo Hesus amen.

Asina nos ta comunica cu Dios den nomber di Cristo Hesus, pasobra tur locual

nos pidi Dios den nomber di Cristo Hesus e ta duna nos.( Juan 15:7)

Jeremias 29 ver 12 + 13 ta bisa: Anto boso lo sclama na MI y haci oracion na MI y lo MI scucha boso.

Y boso lo busca MI y haña MI si boso buscami di henter boso curazon,

1 Tesalonisenses 5 vers 16— 18 ta para scirbi: Regocija semper, Haci oracion sin stop, Sea agradecido den tur cos, pasobra esaki ta e boluntad di Dios pa boso den Cristo Hesus.

Nos tin nada mas grandi ora nos tur realisa, cu nos tin mester di oracion, cu nos tin mester di Dios y cu nos tin cu depende di Dios, pasobra ora nos ta obediente, ta un muestra cu nos ta somete na Dios, 1 Timoteo capitulo 2 vers 1 – 5 ta para scirbi: Pesey prome cu tur cos mi ta exhorta, pa suplica, oracion, petition y gradicimento wordo haci pa tur hende, pa Reynan y tur esnan den autoridad, pa nos hiba un bida trankil y den tur santidad y dignidad.

Esaki ta bon y aceptabel den bista di Dios nos Salbador. Kende ta desea pa tur wordo salba y yega na conocimiento di e berdad. Pasobra ta un Dios so tin, y un Mediador entre Dios y hende, e hende Cristo Hesus.

Un biaha mas nos ta pidi pueblo nan tur pa uni den oracion, pa confia den Señor pasobra den Señor nos Dios tin poder pa salba, pa sana, libera y paz. ( Isaias 26 v 3+ 4).

Sinceramente  
Pastor Marcel Balootje.



# FORTALEZA PA FAMILIA.

Scirbi pa Pastor Marcel Balootje.

## LAGA NOS KERE Y DECLARA , PA DIOS, NADA TA IMPOSIBEL



Hopi biaha expresion di un persona por pone bo pensa cu no tin salbacion pa e otro, hopi biaha mirando circunstancia nos ta perde speransa, hopi biaha mirando avance di enfermedad, nos ta cuminsa prepara pa morto, y tambe riba experiencia di otro hende nos ta declara cu mesun cos lo sosode cu nos .

Pero no ta asina, Dios tin poder pa cambia TUR situacion, pasobra dilanti di Dios hende ta prohimo di otro y no adversario. ( 1 Pedro 5 vers 8-10 ta splica nos ken ta nos berdadero adversario).

E historia di Lazaro ta un historia hopi grandi caminda Hesus a lanta un homber for di morto cu tabata hole caba, asina su propio ruman a declara.( Juan Capitulo 11 vers 38-44).

Nunca un hende por ta den un situacion asina dificil cu Dios no por yude, hopi hende ta papia, pero como mayor bo tin di siña bo yuinan pa kere den Dios, tur momento y no entrega, pasobra si nos biba pa Cristo nos lo muri den Cristo y lanta bek cu

Cristo na e momento di Su binida.

No tin hende asina malo cu E no por cambia, no tin situacion dificil pa nos Dios, Dios ta bisa den e buki di Jeremias Capitulo 32 vers 27 : Mira Ami ta Señor , e Dios riba tur carni acaso tin algo cu ta mucho dificil pa Mi.( Mateo 19:26 + Zacharias 8:6) Laga nos siña nos yuinan pa nan no biba for di expresion di boca di hende, pero for di cada palabra cu ta sali for di boca di Dios.

Hopi biaha den un caso na lugar di nos haci oracion nos ta expresa duda, y no ta pone cosnan den man di Dios, nos ta expresa derota , caminda nos tin un Dios Todo Poderoso. Palabra nan manera : E mucha ey nunca mas ta cambia, E a sali su tata, of su mama no tabata miho, E no ta mi yiu, no ta bon .

Ora nos tin Fe den Dios nos ta expresa diferente, sea e mucha ta nos yiu of e yiu di otro hende, pasobra Dios a bisa stima Dios riba tur cos y bo prohimo manera bo mes, kier men

for di nos boca den ningun circunstancia nos por sali expresion negativo contra otro pasobra Dios por cambia tur asunto.

Saulo di Tarzo den su ignorancia tabata persiguidor di Cristian despues di su encuentro cu Hesus Cristo, su bida a cambia, y awe e ta ehempel pa nos tur , con un hende su bida bida por cambia, despues di tabata un matado, persiguidor di hende.

Como mayor nos mester busca direccion di Dios pa locual ta concerni nos yuinan, pasobra nos palabranan tin poder y si nos no entrega, nos lo mira e Victoria.

Pa Dios nada ta imposibel, y tur cos ta posibel pa esnan cu ta kere.

Nos ta mira cada dia con maldad ta avansa, prome cu un caso caba, ya un otro ta lanta, ta parece manera hende ta actua

completamente for di conocimiento, pasobra bo ta puntra bo mes ta na unda nos ta bay, tin un aumento di scuridad hopi grandi, pero hunto cu tur esaki e Luz di Señor ta briya hopi fuerte, den fe y speransa , pasobra sin Fe ta imposibel agrada Dios.

Si Hesus Cristo por a lanta Lazaro for di morto, anto speransa no por caba pa esnan cu ta kere.

***Service of Thanksgiving  
celebrating the life of***



**Rosa Maria Boekhoudt  
bka Tita**

***Sunrise: October 7, 1955  
Sunset: January 29, 2022***

***Wednesday 9, February 2022  
2:00 p.m.— 4:00 p.m.  
at Ad Patres Funeral Home  
San Nicolas, Aruba***



# INVITACION



***SOFIA TERESITA CROES-RASMIJN***

**EN CONEXION CU PROME AÑA DI  
FAYECIMENTO, NOS CURASON STIMA**

**MAMA SOFIA CROES**

**TA INVITA FAMIANAN Y TUR**

**AMISTADNAN PA UN SANTO**

**SACRIFICIO DI MISA NA MISA**

**INMACULADA CONCEPCION STC**

**DIAMARS 8 DI FEBRUARI**

**2022 PA 7.00PM**

**LAGA NOS SIGI RESA Y RECORDA TUR**

**NOS SERNAN STIMA CU A**

**ADELANTA NOS DEN E BIDA AKI.**

**PA SEMPER DEN**

**NOS CURASON**



**Ave Maria di ORO**

**Mi ta cuminda Bo, Leli Blanco di  
Santo Trinidad, glorioso y  
semper pacifico,**

**Mi ta cuminda Bo, Rosa Briyante  
den e Hofi di alegria Celestial,  
O Abo, di kende e Rey di Shelo a  
desea di nace y pa e cria Bo,**

**Yena nos Alma cu yobida  
torencial di Gracia Divino**

**Amen**

**(Resumen fo'i di tres Buki,  
Capitulo diesnuebe di  
revelacionnan di Birgen Santo  
na Santo Gertrudis)**



“Señor ta mi wardador, mi’n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa”.  
Salmo: 23

A fayece cristianamente na edad di 71 aña:



## Sr. Paulus Alviro Dijkhoff

Mihor conoci como: Alviro of Diky of Elvis Presley  
Ex Taxi 142

Su yiunan: Radhames Dijkhoff y Zuleika Arendsz  
Mary Jane Dijkhoff

Su nietanan: Zu- Ann y Zu- Laine Dijkhoff

Su rumannan: Eddy y Carmen Dijkhoff-Croes y yiunan  
Brenda “En” Dijkhoff  
Jamillo “Jimmy” Dijkhoff  
Segundo Dijkhoff  
Gerda Dijkhoff

Swa y cuñanan: Margareth y Alberto Wilson-Webb  
Glenroy Webb y yiunan  
Danilo Webb y Lorraine  
Enrico Webb, Jenny y yiunan  
Ischelle, Junior Trott-Webb y yiunan

Ta invita tur amigo, demas famia, bisniña, conocirnan, ex coleganan di Taxi, primo y primanan pa asisti na e acto di entierro cual lo tuma lugar Diamars dia 8 di Februari di 9’or pa 11’or di mainta na misa Santa Filomena na Paradera, despues saliendo pa Santana Catolico Pastoor Kraanwinkel. Nos ta pidi nos disculpa si nos por a lubida un of otro famia den e momentonan dificil aki. Nos ta lamenta cu despues di entiero nos no por ricibi bishita di condolencia na cas.






5	4			2		8		6
	1	9			7			3
			3			2	1	
9			4		5		2	
		1				6		4
6		4		3	2		8	
	6					1	9	
4		2			9			5
	9			7		4		2

					3			
		8	1	9		3	6	7
	6	9			2			1
6	7					4	8	
	3	5						
			3	8		2		
	4			5	1			
9	1					5	2	
				4			9	6

## Sopi di Letranan



### Across

- 4. cellphone
- 6. likes
- 7. gentleman
- 12. to lie
- 16. say
- 17. to break up
- 18. roses
- 20. to hug
- 23. okay
- 24. book

### Down

- 1. party
- 2. kiss
- 3. hug
- 5. Mrs
- 8. trust
- 9. to appreciate
- 10. to want/love
- 11. appetite
- 13. pain

- 14. respect
- 15. friendship
- 19. busy
- 21. love
- 22. Mr

El único modo de  
hacer un gran trabajo,  
es amar lo que haces.

—Steve Jobs

**STOP CU  
HUMAMENTO  
TIN HOPI  
BENEFICIO**



Salud



Salud Mental



Financiero